


黎陽王襄敏公全集

文



王六博集序



文章與華運相為榮衰之  
然而六實董以文鳴於漢唐  
杜錦松以文鳴於唐厥蘇  
以文鳴於宋故之代之其則

有民之文以鳴其聲也我  
國文字所及運百年之久  
而無之至公出焉公生當其  
會其宗條之牙而文不離也  
慮萬數千丁百以縱橫張

馳不失其正詩亦明易通  
暢不事報刻晴笑如罵  
消成文亦然一宗客雄偉  
文里煥發如长虹亘天光耀  
萬文可以追逐李杜諸人

其深莫測及也則公之此  
亦明而出為一代無字者字  
遺婚教候不傳久矣次吾  
已情高君稔所見洞以刻  
於學舍屬序於亭以終而侯

之見其晦交是難值伏單  
聖其遠君長國志再了到  
於詩章一則夫守者在約  
可知已此言君刻之之本意  
必豈獨取其久而已哉公

名越字世昌叢身科第歷  
官至大中西晉叢字伯瓊  
而孫之

孝宗躬復起為太傅故是  
集以官名高君名德宗字

信之振鐸有聲郢人叢  
紹于林云

嘉靖九年正月吉日

賜進士出身資序大亮山

上卿西京刑部尚書致

仕美江美洪序

黎陽王襄敏公全集序



文章氣節功業昔人益屢譚之然本  
實蹶葉棄於榮華游詞勝勲湮於表  
著間有掀揭揚聲而曲爲洪恣依阿  
以就隨世功名之會氣習卑卑甚矣  
均之無取乎爾也全才信自古稱難  
哉惟我

熙朝

列聖御天薰蒸漸漬之仁溥弘時夏  
黎陽王公崛起大任髫年卽奮身甲  
第歷躋顯榮中遭萋菲編置楚安陸  
老而好學不倦摛辭拔藻品格直逼  
盛唐今篇章具存其忠君愛國之心  
慷慨流溢雖流離顛沛中初無纖毫

尤人忤怨意平生談笑怒罵渾然天  
成矩度不假匠鑿若是賦才之竒而  
功日懋也先年實錄一切污蔑嗣人  
以昭雪跡上隨蒙俞允下史館削去  
公之心事庶皎如星日而無憾於九  
京矣嗚呼豪傑瑰瑋之士何代無之  
崇功酬報之典亦何世無之考紀書

英廟朝東鹿王公以滇南莊浪之捷  
剖土封靖遠

世廟朝餘姚王公以戡定宸濠封新  
建威寧公塞上却虜身冒矢石功勝  
七十餘戰邊人抵今談之莫不勃勃  
傾竦動色而鐵券空存子孫零落不  
偶往聞之於京邸中蕭條貧窘有空

乏不忍言者樂郤降爲阜隸叔向寧  
無於邑慨嘆之懷耶茲因輯其散帙  
彙次成編而併及之知公宏偉不群  
褒崇有待者如此異日史氏倘搜羅  
故典因之詢訪藹藹未必無葑菲采  
擇也若其功勳彞鼎旂常光耀今古  
以伸雪耻除克之志則西涯后渠諸

公業已詳備他傳記矣春禽秋蚓不敢復效喧聒以取媚也

萬曆乙酉初夏之吉後學王鳳竹書于川南行省別署

威寧伯王襄敏公傳

公名越字世昌濬人景泰二年進士廷試時風塵蔽天颺公卷去監試陳御史為請得再給卷初為御史有名天順四年超陞山東按察使七年陞右副都御史巡撫大同成化元年請告還京去還家三年

召署院事六年禦虜延綏有功轉  
左又以黃草梁功陞右都御史八  
年以寧夏功轉左明年出延綏搜  
套搗虜巢斬首二百八十加太子  
少保還掌院事十三年加太子太  
保兵部尚書兼憲職十六年出大  
同禦虜時汪直專喜事開邊直薦

公及保國公永遂與直統兵而西  
未至榆林虜大掠出塞公曰受命  
討虜無俘獲何以報班師遂與直  
永議潛師出塞至威寧海與虜戰  
斬首功四百封威寧伯食祿千貳  
百石與世券仍左都御史掌院事  
十七年出寧夏尋珮征西前將軍

印克總兵鎮大同移鎮延綏斬虜  
首功加太子太傅增祿歲四百石  
前軍都督府事提督團營叙一子  
錦衣百戶明年言官交章劾公為  
詩怨望

上怒奪公封編管安陸弘治元年陳  
寃許還鄉七年又陳寃下廷議公

功過復左都御史致仕十年虜大  
入塞陝西急起總制寧夏甘涼諸  
路軍務并經略哈密召至陛見加  
太子太保公有才略著威望再起  
益奮勵出塞襲斬賀蘭巢虜奪還  
掠我人畜加少保兼太子太傅十  
一年卒軍中贈太傅謚襄敏王文

恪公曰世昌紅藍池劫虜取勝本  
兵家竒術議者徃徃黜其功崔文  
敏公曰少聞世昌文武大略比入  
翰林人多言其任術不足數及修  
太陵實錄得見國史知其塞上功  
甚偉世昌姿表竒邁慷慨自許論  
議英發見事風生久膺師寄歷西

北諸鎮身經百十餘戰其於邊徼  
險易虜情真偽將品士勢定諸胸  
臆覈如示掌出竒取捷虜成發中  
顛倒才智柔馴辨強皆樂為之用  
效之者皆自以為不及其所見所  
執壯老一致雖罹挫衄而志不少  
衰善獎拔士類嘗特薦楊守隨佐

鍾屠濬王睿四御史健將武校多出其門又長於史事判案章奏口占授史曲當事情博學多聞凡兵法射藝象緯堪輿之說罔不該究為歌詩雄邁跌宕若不屑意睦族敦奮凋窮恤貧援接卑幼如恐不及

海鹽鄭曉

王襄敏公集題辭

天雄赫瀛曰余讀襄敏公集而重有慨於斯人也扶輿之氣融為材賢亘數百年而始厚一豪傑士彼豪傑者指麾顧盼聿敷勛業諧吐譁諍皆成文章獨其學術之茂人品之奇哉蓋猶有天趣焉余觀襄

卷之三 集賢堂  
敏公起家順成間踪蹟卓犖事業  
閱鉅語在

國史中不殫述述其集中所載若諸  
奏疏皆摠忠見悃倚馬屬詞不為  
粉澤態而其襍譎之文又皆言泉  
思風浩若東注與古聞家爭雄乃  
其長篇短什春容雄渾曷嘗強事

俳比贅為咭咭斤斤如墨士行哉  
而意愜情流字字欲飛昔人所稱  
光燄萬丈長者猶自謂新詩改罷  
自長吟乃公則縱筆所如其光燭  
天儻所云扶輿篤厚自有天趣者  
不其然邪雖然

本朝局躰一變於北地生而海內人

士稍受穎質輒晞聲摹桀學為古  
 文詞輓近世所稱人材大都若斯  
 矣藉令當事能如襄敏公可以雍  
 雍揆藻亦可以烈烈勛時者乎又  
 藉令身率三軍決勝千里能如襄  
 敏公克掛印將軍者三親戰陣者  
 百馘虜者千餘計乎公天挺人豪  
 其氣完其神裕故其建立鞞蓋出  
 將入相文武全材匪徒以文見也  
 余生其鄉心切尚友柰何成季之  
 勲無能為其後即詩翰亦散逸無  
 傳迺集所為文與詩賦若干篇懸  
 書四方夫言可偽而神不可偽也  
 今其書具在試窺神理果若世人

所嫌濡需者流邪夫今雲中上谷  
互市難以久恃醜虜終為國患抱  
隱憂者每切駭駟之思噫安得公  
復生其時而再見靖虜之偉畧也  
讀謁岳王祠所作吾於公重有感  
焉是乙酉歲之夏五月甲子



奉

天承運

皇帝制曰朝廷設監察御史欲其振紀綱而勵風俗以弼成國家之治厥任匪輕爾山東道監察御史王越發身甲第擢職霜臺風裁振勵茂舉厥官既歷歲年宜旌勞勩是用進爾階文林郎錫之勅命以示褒嘉夫官以察為名以言為職在明大體而畧細故扶君子而抑小人其益端爾志堅爾守毋私于法毋撓于勢毋訐以為直毋苛以為能明以燭之公以行之懋脩不懈益勵于行尚有顯陟以待爾武欽哉

奉

天承運

皇帝制曰儲貳有資於保輔可無其人都憲實掌乎紀綱允為重任能無之曰曰難其選必得焉乃愜朕懷肆簡周材俾膺兩職咨爾太子少保兼都察院左都御史王越發身科第擢任憲臣遷長外臺蚤樹風霜之操撫巡重鎮久彰文武之才三任叅贊兩膺總督或轉戰邊陲而腥羶汛掃或直搗巢穴而桀黠就擒敵愾之功可嘉捐軀

之忠益著宜加褒典用示殊恩茲特進爾階資  
政大夫仍兼二職之崇祿食一品之厚提督團  
營總司邦憲於乎朕欲一夷狄畏服爾尚據料敵  
制勝之謀朕欲海宇一清爾尚厲指佞觸邪之  
志忠誠一節始終弗渝一往哉汝諧毋替朕命

弘治十一年三月

日

制誥寶

太子太保威寧伯兼都察院左都御史王越誥券  
制曰抱脩能者必成其功一如窮爵者必延于世此今  
昔之人同榮而使事之道各盡一亶出至公允惟  
成式咨爾太子太保兵部尚書兼都察院左都  
御史王越器質明偉才學優弘少擢賢科高登  
制舉監察壹道詆彰謬誇之風廉訪臬司肅清  
齊魯之甸晉副都憲薦掌臺綱或撫臨雲內或  
總鎮關西在邊來社者十二三年兵民咸沐其  
惠與賊攻戰者百一十合戎王亦在所殪計武  
烈不減漢朝之衛一任論文事無慚宋室之范韓  
晚加宮保之秩旋兼司馬之權一邇者載統一旅  
之師徑造威寧之海踏碎龜廬斬虜首如截瓠  
蹂殘餘孽掃腥膻似拉枯天威大振朔漠一空

捷章來聞朕心嘉悅爰遵

皇考已行故事庸茂明且特封爾為奉天翊衛推誠  
宣力守正文臣特進光祿大夫柱國威寧伯食  
祿一千二百石子孫世世承襲其太子太保兼  
左都御史如舊嗚呼望泰山而立誓指黃河以  
為盟山無盡時河無竭日我國我家惟股肱心  
膂是任爾身爾後惟忠君愛國是圖金石同堅  
聲徽有永欽哉

奏文同但於子孫世世承襲下增仍與爾誓  
除謀逆不宥其餘雜犯死罪本身免貳死以  
報爾勲

制 誥

成化十六年四月

日

之 賚

太子太保都察院左都御史王越誥命

奉

天承運

皇帝制曰官保竊階望實隆于輔翼都臺峻秩任獨  
總乎紀綱苟非超邁之才曷副無資之重爾太  
子太保都察院左都御史王越早登甲第遂擢

臺官出長臬司旋升都憲三階歷轉衣群屬而  
克振朝綱九伐用張涉夏卿而仍司風紀載加  
諸輔極品是躋總握戎機茂勲薦策蓋六器資  
閱常材識精明肆閱歷之既深致問譽之益著  
顧永芭之猷方壯而投筆之志未耐詎敢就閒  
又遂家居之樂邊疆再起允諧廷議之公追敘  
徃勞特頒新命是用進爾階光祿大夫勲柱國  
於戲予歆壯北門之威爾惟鎖鑰予欲破西賊  
之膽爾惟甲兵勉竭忠誠用光寵錫欽哉

制 誥

弘治十年二月

之 寶

奉

天承運

皇帝制曰人臣建事常思沒世之名君上報功尤重  
賁終之典義關激勸古有彝章爾故少保兼太  
子太傅都察院左都御史王越器宇恢宏性資  
英敏早策賢良之舉蔚有時名屢更風紀之司  
敷其政譽西陲持節北鄙宣威一弛一張乃兼

資於文武或仕或退將任意於行藏入亦有言  
 老當益壯三邊再領增部典之光華獨坐仍無  
 彰元戎之節制疇茲公議可謂能居金印初懸  
 玉關在望閱時多事每與拊髀之思念先音聞  
 可吝易名之寵茲特贈爾為太傅謚襄敏於戲  
 懋官懋賞三公可視為虛銜有實有名一字豈  
 容於溢美明靈不昧顯命其承

弘治十二年十二月

制誥  
 寶



中景泰庚午北畿經魁 登辛未科進士第

初任浙江道監察御史 二任山東道監察御史

三任山東按察司按察使 四任巡撫大同右副都御史

五任巡撫延綏左副都御史 六任總督雲南右都御史

七任都察院左都御史掌院事 八任太子少保提督十二團營

九任太子太保兵部尚書兼都察院左都御史

十任 奉天翔衛推誠宣力守正文臣特進光祿大夫

柱國威寧伯食祿一千二百石太子太保尚書兼左都御史

十一任太子太保威寧伯兵部尚書兼左都御史歲增祿

米四百石 欽給券文着做五軍營總兵前府管事是

年八月為因許寧等大同失機推臣諷臺臣承意挾

讐言架捏妄 奏安置湖廣安陸州七年弘治改元放回

准左都御史致仕

十二任弘治之陝西三邊大擾 詔加太子太保都御史總制三邊

十三任加少保兼太子太傅都察院左都御史卒於官

諭祭九壇 贈太傅謚襄敏公

按曾大父自天順七年一月起至弘治十二年十

二月止在邊歷任四十餘年凡進階具由功陞

身臨戰陣一百九十四次 生擒達賊二百二十九名

斬首二千三百五十五顆 奪獲戰馬八千九百九十八匹

駝二百四十二隻

牛羊五萬五千四百餘隻

奪回被搶人口二千七百名

奪獲盔甲器械旗纛絲算

奪回被搶牛羊騾馬等畜三千二百有餘

掛平胡將軍印克總兵官移鎮大同

掛征西前將軍印提督京營并宣大各路軍馬

掛靖虜將軍印克總兵官鎮守延綏地方

特勅獎諭二十餘次

太傅王襄敏公年譜

宣德元年丙午公考願母張氏十一月初五日亥時

生公於濬縣丁未戊申己酉庚戌辛亥壬子公年

七歲姿表奇邁穎悟過人讀書過目輒不忘癸丑

甲寅乙卯公年十歲公考為公扶將鸞以下終身

關武安王降筆時供五香酒王出對云兩手拿來

五香酒一吸三盃公即對云九天降下一元帥千

變萬化又降詩末句云烏臺御史都堂職守已存

心樂聖朝公初名悅王又降筆改云喜悅之悅不

若超越之越字世昌其名字皆神所命云

正統元年丙辰丁巳戊午己未庚申辛酉壬戌癸亥  
甲子乙丑丙寅丁卯戊辰己巳

景泰元年庚午公年二十五歲以易經中順天府鄉  
試第三名辛未公年二十六歲會試中第三十三  
名廷試時大風颺公卷半空去監試官入奏禮部  
再給卷惟公卷獨長識者以為出衆之兆本年除  
浙江道監察御史壬申公年二十七歲巡按四川  
公警懾貪污激濁揚清議論英發見事風生衆皆  
敬服癸酉公年二十八歲丁父艱回原籍守制甲  
戌乙亥丙子公年三十一歲服滿起復除山東道  
監察御史左都御史寇公深凡諸道奏牘必令公  
詳定方當其意

天順元年丁丑公年三十二歲

英廟復位見公奏對明暢目屬之戊寅己卯庚辰公  
年三十五歲超擢山東按察使當時稱其深得憲  
體辛巳壬午癸未公年三十八歲大同有警當道  
舉可為巡撫官者

上以其人貌寢意在公徵為右副都御史及  
召於文華殿面諭賜鈔二千貫公力修廢政為改守  
計邊人賴之本年丁母艱回原籍守制奉

聖旨邊上用人急王越着奔了喪便去巡撫欽此差  
官催促起程並

諭祭母張氏一壇甲申

成化元年乙酉公年四十歲奉

勅獎念勤勞賜銀二十兩表裏一副復奉

勅諭邊務等項事情聽爾便宜處置欽此丙戌公年

四十一歲例當考滿具題奉

聖旨就彼復職管事欽此備行復職欽遵丁亥公年

四十二歲時虜犯滑石嶺大鹽房豐稔山公與虜

交戰七次生擒十二名斬首三十顆奪獲馬牛羊

四百三十二匹頭隻盈甲子箭等項一千一百餘

件奉

勅獎諭足見爾調度有方朕深嘉悅庶副委托之重

復節該奉

勅四次賜銀壹拾兩綵段三表裏戊子公年四十三

歲赴京議事時公有疾

上命醫視疾遣中官慰問至再奉

勅仍巡撫大同地方己丑公年四十四歲虜犯雙上

山黃七坡公與虜交戰十三次斬首六十顆奪獲

馬騾百餘匹盈甲器物九百餘件節奉

勅獎諭三次賞銀伍兩綵段二表裏移鎮延綏庚寅  
公年四十五歲虜大舉入犯崖窰川黎家澗馬連  
要黃甫川等處公出塞至虜帳搗巢穴與虜大戰  
十五次生擒四十餘人斬首加百奪獲馬騾三百  
餘匹盔甲弓箭等項四千餘件追回被虜男婦二  
十三名口牛羊等畜二千餘頭隻以大捷聞節該  
奉

勅獎諭見爾謀勇可嘉茲特降獎欽此陞左副都御  
史本年虜犯張厚家川開荒川波羅堡地方等處  
公與虜交戰二十次生擒七名斬首一百四十顆  
奪獲馬騾一千七百餘匹器物一萬餘件追回被  
搶男婦二十餘名口牛羊等畜八百餘頭隻節該  
奉

勅獎諭三次見爾調度得宜善於用謀致此克捷陞  
右都御史辛卯公年四十六歲虜犯木瓜掌高千  
戶澗蘆灘兒蚰蜒嘴蘆溝兒等處公與虜戰三十  
次生擒七名斬首一百五十六顆奪獲馬騾五百  
五十六匹器物一萬餘件節該奉

勅獎諭公具奏奉  
勅延綏地方殺賊其大同一應軍務乞另推官代替

右都御史林聰大同巡撫本年虜犯魚兒河等處  
公與虜五次交戰生擒一名斬首三十顆奪獲戰  
馬七十八匹器物六百餘件具奏節該奉

勅足見爾運謀奮勇致此克捷朕深嘉悅特賜獎諭  
賞銀伍兩彩段二表裏本年虜犯木瓜山馳兒溝  
三山兒天水頭斬首五十四顆奪獲達馬一百二  
十八匹器物二千餘件追回被搶男女十餘口牛  
羊等畜二千餘隻節該奉

勅獎諭

壬辰公年四十七歲虜犯陳家井小蒜澗等處公  
與虜戰十七次生擒十二名斬首七十四顆奪獲  
駝一隻達馬二百四十匹器物一千七百餘件追  
回被搶馬騾驢牛羊等畜二千餘頭隻節該奉

勅爾在彼經營戰守晝夜勤勞朕深嘉悅特賜爾綵  
段二表裏銀二十兩以慰爾勞欽此欽遵復奉

勅命公便宜處置自叅將以下不分把總領軍都指  
揮等官就于軍前斬首然後 奏聞以寬朕西顧  
之憂本年回京議安邊籌策早朝

見賞銀三十兩綵段二表裏行賜羊酒

召至文華殿慰勞着在都察院管事節該奉

勅諭近者虜酋潛住河套以爾熟知邊情軍務聽爾便宜處置或分兵以邀其歸路或出奇以撲其老營斯為上策欽此欽遵當日早

辭賞銀三十兩綵段二表稟兵部開奏魚兒河等處功復賞銀十五兩綵段三表稟本年虜犯半箇城好地窰紅寺兒紙房溝竇家溝郭家溝蒿地掌通賊山口高峰子澗歡喜嶺鷓子湖黃甫川高橋兒等處公與虜交戰生擒五名斬首二十四顆奪獲達馬牛羊等畜一千九百匹顆隻器物七百餘件追回被搶男女十六名口牛羊等畜一千九百頭隻節該奉

勅獎諭

癸巳公年四十八歲虜犯榆林城大柘油川柳樹會老虎溝韓家塢公與虜交戰十三次生擒二名斬首二百三十八顆奪獲駝二隻馬六百五十三匹牛羊等畜二萬八千四百五十餘頭隻器物四千六百餘件陞左都御史虜犯榆林澗臭海子公復敗之生擒十名斬首三十顆又於紅城兒花馬池等處生擒一名斬首一百五十顆馬牛羊十三萬有餘追回被搶男婦一千九百三十餘名口節

該奉

勅獎諭勤勞本年虜酋乜加思蘭滿都魯字忽徒西  
 捨掠遺巢穴於河套公以虜居河套出沒無時邊  
 坐茲大困乃選精騎萬餘自出塞齎七日糧晝伏  
 夜行每二舍留兵百人使休行數夜兼行五百里  
 直抵紅鹽池至虜帳萬騎齊訖之縱火且擊且射  
 斬首三百四十餘顆生擒七名奪獲駝一百三十  
 三隻馬一千三百二十餘匹牛羊一萬六千餘頭  
 隻器物一萬八千餘件焚其巢穴無遺比午虜自  
 外趨歸悉力追軍公結陣徐行殿者與戰及前伏  
 兵起又與虜戰虜再遇伏知我有備乃大慟渡河  
 而逃自是邊方無患者二十年未  
 勅具見爾運謀奮勇成此大功朕深嘉悅特茲獎諭  
 以慰爾勞欽此復降

勅再獎諭

甲午公年四十九歲奉

勅固原位劄總督各路軍馬兼管錢糧總兵巡撫等  
 官悉聽節制便宜處置欽此欽遵加公太子少  
 陸俸一級以賞紅鹽池等五處功公因連年在邊  
 戰守致成傷勞吐血頭眩左手麻痺乞回陝西養

病

上命醫馳驛去調治復

召至京命太醫院調治賜下程酒米等物者至再

乙未公年五十歲奉

聖旨太子少保兼左都御史王越不妨院事着提督

十二營操練軍馬當日具本辭免兵任

上以卿諳練軍務特茲委任不准所辭欽奉

勅諭革科擾占役之弊軍政為之大修

丙申公年五十一歲因前病舉發蒙

聖恩賜下程酒米等物

丁酉公年五十二歲公乞退休奉

聖旨卿司風紀兼理兵政當勉修厥職不准所辭命

公掌都察院印兼提十二營公奏恐顧此失彼有

負軍國重寄辭兵政不允

上御文華殿念公教場風寒賜鱗衣玉帶加授散官

勲階資德大夫正治上卿公具前項成化九年深

入河套紅鹽池等處撲賊老營斬獲首級官軍兵

部朦朧具奏止准七十名顆陞授其餘一百八十

餘顆俱作給賞內有一百餘顆不知作何除去乞

勅兵部查照前項官軍原入河套擒斬達賊未曾陞

授逐一查出定擬上

請伏乞

聖恩憫念官軍遠入賊巢斬首微勞准陞一級本職承乏總制職分當為豈敢言功願將先加太子少保并俸一級

恩命收回等因具題

聖旨兵部還通查勘明白來說欽此兵部為公俾寬奉

聖旨這起官軍撲賊老營擒斬功次比常不同都准擬陞授王越既首先運謀其功可嘉太子少保陞兵部尚書還加俸一級仍兼左都御史照舊管事公辭免俸職具題不允

戊戌公年五十三歲

欽賜蟒衣鸞帶陞太子太保兼職如故當日辭免加陞官職奉

聖旨卿受朕委用歷事年深特茲加陞所辭不允已亥公年五十四歲奉

聖旨大祀

天地壇外各營探隊官軍着尚書王越提調管理務要整肅

欽賜盔甲繡春刀蟒龍衣再

勅清理軍政以備北虜六月內仍賜羊酒瓜果米菜等物并北京十景牙骨扇一握描金香墜一箇時無宣侯朱永題先克總兵官同右都御史王越在陝西榆林城開荒川等處有功遂准公次子王時錦衣衛百戶世襲十月內會選軍馬

賜羊酒銀三十兩蟒龍衣段二表裏仍賜飯五軍營撥軍伴四十名應用

庚子公年五十五歲時天下大水公陳言彌災保治事舉御史四人屠瀟佾鍾楊守隨王濬可大用後皆著名時虜潛入河套侵犯榆林東西二路居或據其劫掠

上慮恐久住套中命公同保國公朱永等出塞禦之賞銀五十兩蟒龍衣四表裏虜聞公威名先已遁去公曰受命討虜無俘獲何以輒班師乃與永議出大同至威寧海峽虜營所在亟帥兵擣之生擒男婦一百七十餘名口斬首四百三十餘顆駝馬牛羊六千四百餘頭匹隻噐物壹萬餘件焚其巢穴餘虜遠遁以大捷聞恐有遺虜復命他將於紅崖兒獅子衝等處與虜交戰生擒十名斬首二十

六顆奪獲馬三十五匹器物四百餘件節該奉

勅獎諭以見爾悉心竭力成此奇功朕甚嘉悅特茲

獎勵以慰忠勤具奏班師回京二次

欽賞銀八十兩蟒龍衣八表裏玉帶一條封公奉天

翔衛推誠宣力守正文臣特進光祿大夫柱國威

寧伯食祿一千二百石本身免二死子孫世襲三

代一體追封給與券誥公具本辭爵奉

聖旨卿抵巢殺賊奇功可嘉特茲陞爵用酬前勞所

辭不允欽此復命公掌都察院印團營照舊仍賞

銀二十兩紵絲二表裏公

進威寧海等處獲到駝馬牛羊等物復

賜羊酒等物以慰勞之

辛丑公年五十六歲時大同邊報甚急

上命公征勦賞銀五十兩綵段四表裏鎮守總兵等

官悉聽節制公至大同到白狐庄遇虜大戰從朝

至暮生擒十名斬首一百一十餘顆奪獲馬七百

二十餘匹牛羊等畜二千四百五十餘頭隻器物

六千二百餘件具奏奉

勅獎諭回京面

見賞銀五十兩綵段二表裏

廷議伯以上不得進封加太子太傅歲增祿米四百石總五軍營兵署前軍都督府事提督團營官其子王昕錦衣衛百戶世襲宣府邊報甚急上命公掛平胡將軍印賞銀五十兩綵段四表裏虜聞公至潛遁去復奉

勅掛征西前將軍印移鎮大同仍提督京營并宣大各路軍馬鎮守總兵巡撫等官悉聽節制

壬寅公年五十七歲欽奉

制勅掛靖虜將軍印移鎮延綏公分布諸將官要害處住扎遂敗虜於清水營偏頭關黑石崖等處共生擒四名斬首三百二十四顆奪獲達馬七百四十餘匹器物二千餘件奉

勅獎諭

癸卯公年五十八歲內閣大學士萬安忌公功名太盛許尹給事以通政許汪御史以僉都諷諭論公坐事夷狄作詩怨望罷公為民謫居安陸人皆惜之然畏權臣無敢言者

甲辰公年五十九歲時居安陸結屋山岩下閉戶讀書郢人高公節操至今以為美談其吟咏諸作皆為刊行

乙巳公年六十歲公以心事未白具奏訴冤枉當  
時權奸黨類則以飛謗排阻恐公論不平群小作  
為野史小說誣公結交汪直以惑後世以實其言  
丙午丁未

弘治元年戊申公年六十三歲時群奸罷斥

孝皇御極公乃陳奏臣原籍直隸大名府清縣人由  
進士歷官太子太傅威寧伯五軍營總兵官提督  
十二營操練軍馬成化十七年奉

命征勦虜寇事完就大同充總兵官十八年改克延  
綏總兵官十九年大同地方失稅與臣並不相干  
不期三五嫉臣者不由衆論乘機捏造連坐虛文  
大要結交汪直引惹虜情騷懼妄

奏發安陸州為民臣思汪直行事之時並不相識管  
軍之後係在同營如何謂之結交見有原跟隨本  
官之人并年月先後可以查照虜衆犯邊屠殺慘

酷

剗廷命將征勦名正言順如何謂之引惹見有京營  
出征官軍並在邊將士可以查審若汪直行事臣  
有一毫干涉違賊不曾擁衆搶掠罪甘萬死無辭  
及至其實陳訴又被巧為飛謗排阻以致未蒙

俞允人所共知自是隱忍不復敢言恭遇  
聖明御極兩頌

大赦萬物維新口外克軍為民者皆得放免臣又無  
寬宥之條情可矜察今群小已退賢俊並興言路  
大開公論有在臣于此時方敢陳其大畧干冒

天聰至於備細情節具在前次本內開照明白不敢  
輒再煩瀆竊念臣性素愚昧在邊止知殺賊在內  
止知執法不能隨時委曲以避禍機是雖人所陷  
害亦臣之所自召

云 再思臣向在邊方往來二  
一年每懷北虜逆天之讐恨不殄滅種類以快天

下萬世之心是以簡練士卒區畫糧草修築墩牆  
改造軍器晝思夜度未嘗休息一遇有警身不離  
鞍馬手不離弓矢或連日不脫衣甲或終朝不得  
飲食寄存亡於呼吸之間決成敗於指揮之頃百  
苦備嘗九死不悔經歷戰陣豈止數十之多擒斬  
虜寇可及數千之衆奪獲駝馬約以萬計盔甲器  
物約以數萬計追回被虜人畜三十餘萬奉  
勅獎諭十七八次漢庭節修

進貢之儀河套久無住牧之患顧臣犬馬之愚頗曾  
效此微勞伏望

聖恩察臣裝誣之屈憫臣征戰之勞放回原籍以終  
殘年雖草茅無用苟延虛負於明時若泉壤有知  
圖報敢忘于再世臣寃深情迫昧死上陳

詔許還濬巳酉庚戌辛亥壬子癸丑

甲寅公年六十九歲公以群奸雖巳罷斥誣枉恐  
尚未明復奏為挾私裝誣以功作罪陷害一家久  
屈無伸等事臣由進士歷官封爵其間自右都御  
史兵部尚書太子太傅威寧伯正一品俸俱是軍  
功挨次陞授蒙恩最深守邊最久彼時沿邊止挑  
空塹臣則創築高牆一二十里各路止守舊城臣

則創立新堡數十餘座空處添墩地平處掘洞  
崖險處剜空改造兵甲精選人馬嚴烽堠足糧草  
凡可禦敵之具晝思夜度竭盡心力未嘗安處一  
聞有警身先士卒犯危冒險百戰不辭擒斬虜寇  
數千奪獲駝馬加倍追回被搶人畜三十餘萬軍  
器等項不計其數又征四五六年出境數百里掃  
清河套久無邊患奉

勅獎諭約有二十次百苦備嘗九死不悔建立微功  
豈期各立毀至功成禍隨總兵官許寧都御史郭  
鏜在大同失機與臣並無相干而嫁禍者誣以引

卷之三十一 年譜  
十一  
惹之名汪直在西廠行事與臣並不相識而造言者誣以結交之辭蓋以汪直之讐家即許寧之私援出此入彼皆以成爲奇貨威逼勢挾不敢分辯徑謫湖廣安陸州爲民又捏臣男指揮王春威寧海冒報功次驟陞數級亦革爲民又逼挾臣次男都指揮王時百戶王昕自陳辭職隨養既害其父又害其子既害其兄又害其弟天理人心實難泯滅姑舉略節寃情上達

天聽當時北虜舉國在威寧海住牧不數月而搶擄四邊原征官軍萬目共覩

朝廷特命聲罪致討名正言順如何謂之引惹况此舉之後臣又連年領兵截殺走回人口與生擒達賊並無報讐之說緣何直待許寧等失機方有此言威寧海以前逾年搶掠臣以征勦更是何人引惹汪直行事之時臣方回京未嘗一識面貌見有原跟校役人等備知其詳其隨行之人多係臣同僚屬官臣亦具奏辭職如何謂之結交汪直又差人接連訪察臣事因無違犯僅得脫免後管征操係是奉

命同事官員豈是結交臣男王春患病在家若曾出

征必有起馬關文若曾冒報必有紀功文冊若曾  
驟陞必有陞官勘合一查即見最爲明白及男下  
時自幼跟臣出入行陣親獲功次換陞前職王昕  
以臣有邊功文臣不許封侯得以廢襲百戶此係  
特恩難比常例陞授又累蒙

赦宥軍職爲事克軍亦皆復職豈有無罪被害自陳  
辭者不在宥免之內又伏覩大明律內有議功議  
能之條臣雖無功頗効微勞臣雖無能未嘗敗績  
軍職者有犯下至鎮撫亦皆論功定議及今有一  
勞一捷者子孫皆蒙

恩澤臣之功罪中間豈無定論况臣父子實無罪犯  
其禍起於汪直成於許寧等今聞許寧復職待缺  
郭鏜陞任方面汪直亦蒙

恩典事內毛倫係男王春同起爲民人數亦充叅將  
則臣之父子平空被其陷害豈容無辭先曾累訴  
寃枉止緣拘於成案未蒙伸理且臣放回原籍害  
臣者又皆相繼黜罷正公道大明之時伏望

聖恩憫臣守邊年久頗積微勞一家父子無辜被害  
乞

勅該部勘誣情於公論之中求實跡於虛文之外明

白擬議奏請

聖裁俾臣父子得以洗雪前寃臣甘老田園死即瞑目豈敢別有希望哉於是

朝廷公議復公左都御史致仕乙卯

丙辰公年七十一歲虜大入塞陝西報急監察御史楊遜乃上疏其略曰北虜犯邊有不臣之心今任將官者安邊無一策之長上貽

聖憂臣居言路知而不言責所難免况值多事之秋寧無一得之獻臣敢以當時急務而略陳之且急務莫先於用人若致仕都御史王越能文能武有智有謀曩有感寧之功反遭惹釁之謗即今年雖老而謀猷甚壯時未用而忠義常存伏望

陛下委以兵權以南京戶部尚書秦紘侍郎劉大夏素有才猷老練事體者協理庶務而叅贊之付以便宜重權大發精兵一鼓而擒之夫何難哉此則王越所優為也緣係急先務以靖邊患事謹具奏聞

戶部辦事進士馬文盛亦上疏其略曰今大同等處達賊犯邊聲息之報竟無虛日非將帥得人何以克大敵而成大功哉今高堂拱

堯舜之君密席坐韓岳之臣能取其長人皆可用但  
素取信服虜人者臣竊有見於今之致仕都御史  
王越焉亦嘗與西北之功虜人素所信服是以越  
雖數年林下虜人慕英風而膽落想威雄而股慄  
者蓋嘗多也用斯人以將兵或有不待戰而自相  
悅服者方今用人之急所取者智勇而已豈可以  
小嫌廢其長才或非當時急務之公論也臣又見  
今都察院照磨李晟粗知兵事尚爾用之况越之  
才又非李晟可彷彿其萬一誠所謂事在易而求  
諸難也議者又謂越嘗起邊釁者皆以為越之過  
息邊患者越豈無分寸之功哉前日之啟釁固越  
也今日邊庭之肆侮者又何人斯是則衆人之議  
或未公也臣與王越出處之先後不同仕進之早  
暮亦異既無一面之識又無一日之雅豈故為是  
妄舉斯人求媚於世以拂衆人之性哉但念  
祖宗創業之難慮

皇上國家之大耳聞目擊焉能已於言乎伏望

勅王越以統軍衆不沮於衆人之言不避其謗毀之  
嫌則邊患可息大功可成

社稷幸甚天下幸甚

兗州府同知陳言十事亦首薦公誣枉始明矣  
丁巳公年七十二歲陝西三邊大擾兵部言宜得  
重臣專任其事僉舉二人皆弗稱

肯復以公對乃許之亟召至京引見勞賚

恩禮殊特加太子太保總制甘肅寧夏延綏軍務鎮  
守巡撫等官悉聽節制公累辭不允事有未盡便  
者請易置之乃行節該

勅諭其賀蘭山後乃虜巢穴累次寇邊皆自彼而入  
使其居住年久熟知地方或誘引北虜大衆或招  
來野也克力等夷爲患不小爾須運謀追勦毋令

滋蔓欽此欽遵公遂帥兵擣其巢穴自三月二十  
三日晝伏夜行至二十九日入山其路單夾人馬  
挨次而進且高處若登天深處如下井陡崖亂石  
寸步難行五更時始出山乃遇虜大戰斬首百餘  
顆奪獲馬駝牛羊一千餘匹隻追回被搶男婦百  
餘名口器物一千八百餘件焚其廬帳餘虜號哭  
放火西去以大捷聞

上降勅獎諭加少保兼太子太傅左都御史如故總  
制三邊軍務經略哈密是年虜遣人貢馬邊患息  
矣

戊午公年七十三歲公上疏言哈密屏我為外藩  
向為吐魯番所破逐其王久弗繼自臣到彼番酋  
引罪還所侵地宜封其故王以守之具見公處置  
夷情復國土以繼封爵疏內是年十二月初一日  
公卒是日 朝廷報到甘肅悉依公議訃至京師  
上為震悼輟視朝一日贈太傅謚襄敏公給驛歸其  
喪遣官

諭祭九壇遣進士王守仁督令有司營治葬事廕其  
孫王烜國子生

附錄

○侍御大任王公瓊曾觀

皇明通紀傷公被誣有詩內一聯云陳壽更成三國  
志武侯難白九原心

○別駕龍川孟公思亦傷通紀之誣有詩其後云漫  
把旌旗空塞北豈防蕙苒誣征南英雄不理時人  
口痛哭中山謗書函

魯孫教授王紹雍  
編次  
玄孫舉人王正蒙

列傳三卷每公傳一  
年誌

王太傅襄敏公墓誌

李東陽撰

少保兼太子太傅都察院左都御史王公之訃至

自甘州

上為震悼輟朝一日贈太傅謚襄敏給駟歸其喪

遣官諭祭命有司治葬事其子春奉狀介其嫻友

光祿卿李公鏞請予銘辭至再弗獲乃敘而銘之

公諱越字世昌姓王氏世為大名濬縣人少補縣

學生景泰庚午舉京闈辛未登進士第擢監察御

史有時名

列傳三卷每公傳一  
年誌

英廟復位見公奏對明暢目爲之都御史寇公深性  
嚴急獨喜公凡諸道奏牘必令詳定天順庚辰超  
擢山東按察使癸未大同有警當道舉可爲巡撫  
官者

上以其人貌寢意在公徵爲右副都御史以行公力  
脩廢政爲攻守計遑人賴之成化改元以疾告至  
京師

上命醫視疾遣中官慰問至再家居久之丁亥召署  
院事庚寅奉命出延綏至崖窰川擒賊四十余  
人斬首加百遷左副都御史又於黃草梁擒賊五

十斬首百二十進右都御史壬辰以後往來東西  
路及寧夏界前後斬獲者倍之癸巳進左都御史  
賜蟒龍衣一襲又出延綏韓家塢斬首二百八十餘

甲午加太子少保進兵部尚書兼左都御史增正  
一品祿庚子出大同至威寧海瞭虜營所在亟帥  
兵擣之擒男婦百七十斬首四百餘以大捷聞

勅封威寧伯歲祿一千二百石仍兼都御史辛丑出  
寧夏擒賊十人斬首百餘廷議文臣伯以上不

得進封加太子太傅增歲祿四百石總五軍營兵  
署前軍都督府事提督固營未幾出佩將軍印充

尚書屠公濟右都御史佖公鍾南京大理寺卿楊  
公守隨故僉都御史王公濟皆大顯武臣逸將出  
其門者不可勝計博學多聞精極吏事判案章奏  
倉卒立就兵法射藝象緯堪輿之說皆不談究為  
歌詩雄邁跌宕若不屑意歟不存稿惟詩數十首  
板行于時至其睦族敦舊賙館卹禮接卑幼如  
恐不及皆其餘事也亦可謂奇偉不群者矣公曾  
祖諱顯道被旌為義民祖諱恕醫學訓科考諱頤  
皆嘗贈太傅威寧伯後復贈光祿大夫柱國太子  
太保左都御史三世妣皆天人娶孫氏贈夫人繼  
贈泚人再繼陳氏亦贈夫人子四長即春次時皆  
錦衣衛指揮僉事次昊次昕嘗以廕為錦衣衛百  
戶早卒女三仲遣河南都指揮梁瑋孫八煜烜炤  
炳焯燁燠焄烜燠燠燠燠燠燠燠燠燠燠燠燠燠燠  
繼先一適府軍衛指揮李隆公生宣德丙午十一  
月五日壽七十有三己未九月四日卒于大休之  
西麓從先墓也

銘曰

大任降神鍾為偉人白簡廷執行臺外承握機馭  
兵出禦戎虜設奇制勝孰敢予侮崇階累遷一品

而極不符錫號封以大國孫居南陲言歸舊鄉王  
事有程載趣治裝

帝曰汝能紆我西顧老弗辭難驅彼長路靈夏近郊  
誓禱胡穴玉關故鎮謀繼國絕勲未大成志則有  
餘飲恨而沒天其監予文以致身武以樹績時其  
卷舒胡我失得揮曦耀星躡治之精歛風震霆擲  
地之聲或棄弗試其氣勃鬱上干于霄中斃于室  
茫茫大津旁接雲霧劃然一飛終反其故偉哉斯  
人茲物是方永闕其藏地下之光

王太傅襄敏公神道碑

崔銑撰

襄敏以弘治戊午十一月一日卒於邊

上震悼為輟視朝一日已錫贈謚遣官治葬事西涯  
李相公為志今嘉靖癸巳四月十有九日閱三十有  
六年公次子錦衣時請銑文隧左之石銑少聞先君  
子稱公有文武大畧後入翰林多以任術毀公者正  
德初修

皇考實錄得見國史考公守邊甚偉夫忘功媚才心  
慘於戈戟子曰斯民也三代之所以直道而行何其

不驗於今小人苟利其圖雖殺身罔畏奚有於國已  
為公立傳滕諸石室茲擬其凡以告濬人云公諱越  
字世昌濬邑人曾祖曰顯道祖曰恕考曰頤皆贈太  
傅威寧伯後贈光祿大夫柱國太子太保左都御史  
三世妣皆贈夫人景泰庚午舉於京闈明年辛未第  
進士授監察御史左都御史冠公性嚴臨吏苛公能  
當其意超拜山東按察使天順癸未大同有警

英皇自公為御史偉其貌及奏對暢朗遂用為右副  
都御史果能飭兵走虜成化丁亥召掌院事庚寅奉  
命自延綏出塞至崖窪川擒賊四十人斬首百級

左又以斬虜功再進左都御史初虜居沙漠以黃河  
限水凍而入水欲解而去邊人止防秋冬春夏以餘  
力墾田修城後虜入居河套河套者河之隈也廣袤  
數千里草卉豐茂產獸肥美前代及國初累砌城壘  
置兵戍守後弛防虜遂占居出沒亡時邊坐茲大困  
癸巳公諜知虜它掠遺老弱於盧選精騎萬餘自出  
塞齋七日糧盡伏夜行每二舍伏兵數百人使休行  
四日天未明至虜帳萬騎齊蹕之從大且擊且射斬  
首三百級奪其馬牛羊器亡筭數紀盤穴焚如亡遺  
比午虜自外趨歸哭轂登於天悉力追軍公結陳徐

行殿者與戰及前伏兵起又與戰虜再遇伏知我有  
備大勦渡河而遜自是邊亡患者二十年甲午加公  
太子少保贈從一品祿掌院事公抗言將士功太賞  
輕乞移已官賞之不報丁酉加太子太保兵部尚書  
兼左都御史庚子同太監出太同襲破威寧海榆  
虜男女百七十人斬首四百級封威寧伯仍兼都御  
史辛丑出寧夏又佩將軍印充總兵鎮大同移鎮延  
綏計功加太子太傅歲增祿四百石內閣萬學士忌  
公功名太盛臺臣承其意論公生事夷狄作詩怨望  
罷公為民謫居安陸弘治初公上疏懇寃詔許還

濟甲寅復左都御史致仕丁巳陝西三邊太擾

詔加太子太保總制寧夏甘肅軍事入見孝皇禮賚  
稠渥又出塞襲斬賀蘭居虜百人還所掠人畜器械  
加少保兼太子太傅又言哈密屏我為外防向為吐  
魯番所破逐其王今吐魯引罪獻所侵地宜封故王  
以守未報而公卒後西夏不靖至許襄毅克復哈密  
及定如公策云兩取孫氏終取陳氏封淑人贈夫人  
子四長春次時皆錦衣指揮僉事次昊次昕女適都  
指揮梁珪孫男八人女五人公生宣德丙午十一月  
五日壽七十有三公姿表偉竒遇事慷慨自許聞解

至決亡侯度謀久膺帥寄身自歷戰邊徼險易虜情  
真偽將壘勢定諸胸臆談如示掌出奇取捷慮成而  
發必中顛倒才知柔馴辯強皆樂爲之用又精吏事  
判案章奏口占授吏曲當理情爲詩跌宕快樂爽能  
道人意中事聞者解頰在院舉御史屠瀟侶鍾揚守  
隨王濬可大用後皆著名夫自古君臣論治雖虞帝  
禹相皆憂三苗至宋造夫子稱恭已王南面然禹猶  
徂征夫子佐春秋惟子伯抑楚何扎蓋夷狄人面狼  
心虎猛熊突不可以德柔禮訓苟肆之猖獗倫紀醢  
民命奚所不至晉失策五湖亂之宋內金縢積而成  
元之盛然自漢以來文儒矩臣不足與議兵往往別  
求雄豪長駕之才夫君相者天下之衡君明相忠  
準天惟又則人咸用情劑量才受裁抑過舉彼大夏  
明堂豈一穰之任邪銘曰大明御天道邁千古復  
我文明致彼醜虜文皇至勤立馬陰顛免哉大漢  
劉却狼烟惟豐而解惟遇是事窟虎堂階謂可馴只  
英雄太傅天下才雄肅臺秉憲荒徼治戎兵不六創  
虜侮不劉我甲我冑徃擣其穴虜曰邀已西域底寧  
二十餘禩庶幾寢兵嗟兵猶火焚自不戢奇事生疑  
累功起嫉滔滔江漢公宅其瀕吉祥載酒句泣鬼神

遑再不寧勤公載託嗟公老矣遽翔冥漢嗟嗟驕虜  
今熾如炎誰其迹之不畏其淡軍亦罷止官靡資止  
疇扣天閣起公夷止

黎陽王襄敏公集目錄

卷一

疏

屯禦疏

栢油川捷音疏

處置邊務疏

平賀蘭山後報捷疏

處置夷情復國土以繼封爵疏

紅鹽池捷音疏

禦寇方畧疏

紅城見捷音疏

威寧海子搗巢捷音疏

辭解恩命疏

序

東魯許先生文集序

故贈左副都御史馬公挽詩序

贈通政張君服闋赴京序

贈令尹杜君三載考績序

題羅山方氏家譜

贈胡太守九載考績序

送滑臺徐掌教先生考滿序

許氏族譜序

送許先生九載考滿序

卷二

辭

華清宮辭 五首

乾鵠詞

春山詞

放鷹臺

挽宋繡衣母

送宋君惟遠漕運回京

謁岳王祠

步太虛詞次襄國韻

烏夜啼

知音難

洮涓四景 四首

送吳司訓父還桂林

初通商賈

築城捍患

化盜為農

教民農桑

作興學校

代民輸租

虎狼道迹

祈雨有感

傳

麴生傳

罵壁蟲文

記

登泰山記

開州鄉賢祠記

重建長春觀記

內黃縣重修廟學記

跋

白描羅漢渡海圖後跋

跋陳恕齋桂林書舍卷

頌

石城平虜頌

銘

左書銘

右琴銘

誌

故陝西按察使侯公墓誌

明故趙母萬氏墓誌

明故姑蘇天全蔣公墓誌銘

質菴王先生墓誌銘

賦

舜韶遺響賦

學岳武穆廟賦

東園集事

水清賦

隆中十景賦

賜開堂賦

只竹賦

義方齋為梁給事賦

歌行

仰稷歌

酒酣贈海靜之

都關山水圖

竹木寒鴉圖

以金臺友人長相思

挽李府丞

李在山水圖

漢江別意圖送駱蘊澤東歸

孟姜女歌

自有亭

賀孫克得子

五言古詩

華清詩

飲張千戶榜軒

送葉掌教還家

中秋對月用孟浩然韵

偶出

中酒

冬至

守邊

遊金龍池

榆林送武靖侯趙公還京

見詩

金雀花

寓懷

初度

周太守席間

寓懷

七言古詩

平虜

過蜀道作

酷暑

次張二守前韻

送張巨明赴京

題蠲上人畫

龜山神祠

贈顧廷序還吳

走筆送謝大叅

寄贈張節之壽

送栗先生武安

九日登高

乙卯歲仲冬五月初度自詠

雪中聞雷

二喬圖張千戶槎軒

二思圖

周太守蘭竹棘

舜韶遺響後卷

挽黃岩趙先生

遊靈岩寺

晚翠軒枇杷

吳氏松筠軒

三顧圖

遊靈岩寺

挽戴處士善畫舉人戴福父

題永康侯蓬萊勝槩

詩送友人周宗太

次許先生仲夏草亭集事韻

蜀中送桂廷秀赴京

都憲余士英禱雨有感

榆林送李漢章即中還京

挽秦母妃

題宗賢王送余方伯之浙江卷

次趙武靖月宮攀桂韵

挽宋方伯

送尚寶蔣宗仁展墓

瑞竹

中秋對月

金臺別意送黃叔衡省兄還關中

萬氏思親堂

初度試筆

對雪漫興

天趣軒題扇贈劉汝利

送許節之還寧陽

暑困在天趣軒題扇

葡萄

題張奉祠張公藝同居圖

百馬圖

駱太守群仙慶壽圖

典莊青範為荆門陰太守作

榮壽堂為傅長史作

送三舉子

范增墓

宋玉池

楊白花

四皓奕棋圖

金花灘

一路功名為陳國賓題

鞭屍灘

五七言古風

永慕堂

陶弘景

嚴陵

莊子

遠公

挽袁進士母

金鷄塚

行路謹

白菜圖

送許先生赴春闈

忠孝堂

賀林大參生子

駱太守松

寒山拾得圖

倪文正母壽

天開圖畫

具慶堂

慶王希古八十

題刑掌教泮芹香遠卷

送友人韓先生

題袁僉憲父號知歸

送友人馬子謙壽八十

挽麻城李方伯

送尹文英赴京

自述

五言排律

奉賀天官尹公夏日宿西朝房韻

梅貞女

七言排律

諸暨隱君子陳廷美作東野草堂駱太守繪為圖  
古黎陽老越賦此

東軒

賀安成王光表先生六十壽詩

余士英都憲西湖筵別

卷三

五言律詩

次林員外新店驛壁間韻 四首

小亭雜詠 四首

竟凌故

春曉  
西樓

次定襄來韻 二首

馬上口占送趙總戎西行

雲中除夕次萬春官韻 二首

試筆次前韻 二首  
孔林別墅

龍洞秋雲  
西亭雜詠

祈雨有感  
胡指揮臘梅

宋玉石  
自詠

次韓道貫亞參寅延寺韻 四首

懶出  
遊太平湖

送金主事  
和雁復禮韻

送別彥夫三老

遊吉祥寺偶成

小亭雜詠

七言律詩

驪山懷古

華清池六首

蜀中送項斯誠同年回京

鶴軒

禧軒

送薛公子赴揚州

輓林都憲父

送盧景芳

登首

緣突泉

題

鴈塔

長安懷古二首

次許先生草直韻四首

賀胡僉憲母九月十三誕日

清明感懷

和顯章宋公馬山鬼坡詩韻

道過鬼門

賀王憲使神駿詩韻

次全上人韻寄許以先生二首

次希聞上人韻寄許節之

次許先生見寄韻

寄閩京兆同年

閏九月九日榆林馬懷

榆林燈下獨酌馬懷

感寓二首

榆林七夕馬懷

朔州道中大風

新秋無懷寄定襄二首

過紅石山

衆頂石花茶

次許先生韻

登大同角樓次劉草一韻

西橋晴影

東寺寒泉

水簾飛雪

石洞棲雲

白崖明沙

紅山西照

遊吉祥寺二首

飲城北樓上用唐人詩韻二首

贈海靜之令尹

襄陽懷古

下鹿門灘

感舊二首

高揮使七夕觀

同唐僉憲遊吉祥寺

花落春輝閉門兀坐忽王良弼大叅至急呼斗酒

聊叙故情酒酣賦此

同良弼舟未發次前韻

同良弼遊吉祥寺仍次前韻二首

和鄒克清韻

和鄒克清登山韻

和遊衛水韻

和鄒克清登山韻三首

自詠

水月軒

和重陽

次尹同仁冢宰韻二首

張中丞詠雪韻

送錢掌教

端午

次薛憲副見寄韻

自大同移鎮榆林

用聽上人韻留別京中諸友

次許先生草亭韻

許先生見寄韻

又送許節之歷亭別意

聞宣陽作一老歸榮堂因漫賦此

題梅父挽詩

挽梅母詩

次陳翰林春園倡和詩韻

次王致文先生送張進士祖年詩韻

王大尹父壽詩

登徑山

元日試筆 二首

登大徑

次馬執之韻 二首

僧房

贈蔣郎中

八日立春

贈別郭子聲

題范公馬營

古郢即事

謝王都閫

王都閫席上

胡廷慎母受封

薛至剛父壽號松隱

挽薛至剛母

胡廷慎父追贈

次周德章韻 二首

過寺吟景用前韻

過田中山

張繼李密廟

送楊朝用大參

感寓

黑山

涼亭

七夕

夜坐 二首

吉祥寺走筆送王方曉風殘月

送孫志同主事赴南京

送璇上人

慶孫廷蘭祖母八十

寄劉蕪夫

和王文璵詩韻

哭周文公

送陳宗理

次張文煥

壽康御史母

寄高進士

寄魏御史 二首

登任山

訪蠲上人

小金山

送汪判簿

與王秀才馬上題

送朱士傑之廣東

送鄧元哲

送李世望

同趙伯顯遊山

贈別

寄朱士傑

和刑先生遊山詩 二首

次韻

次韻

送邢先生代作 首

九月二十二日夜贈邢先生

送丘徐二公 二首

送胡端公

獨坐感懷

次本然韻寄許節之

過乾陵

李漢章東山書

榆林見雪

過常州

送婁都憲

人以為菜台韵窮因再謾和一首

閒詠二首

經寇公祠

送張御史

送王黃門清之

遊紫金山

春雪

咸陽源七別蔣僉憲

賀蘭山後平胡

吉祥寺次薛憲副韵二首

送吳侍御摛

送陳廷憲二首

送朱惟遠赴兩浙二首

吊定襄伯

濬尹許圖南瓊林醉歸圖

挽楊怡菴

安陸四月初四日寫懷

贈河南王大參二首

送楊亞參

自詠

村樂

同年徐憲副

寄王宗貫家宰二首

論詩

席上次婁憲副韻

何都憲辭病

寄劉升温先生

寄王司馬公度二首

次許先生韵

謝定襄惠朱墨

與汾州劉同知惟學

自酌賦以

口占次崔秀衣

燈下次前韻與黃芸解元 二首

世德堂為胡僉事賦

馮聃二豸史同楊地官過訪

蓮池清興 二首

輓張都堂父母

贈都尉周德章

望太白山

丁亥中秋

戊子中秋用韻

寄王文與

送宋綉衣

挽胡僉憲父

和陳學士送李天官韻

與李布政彥碩馮僉憲景陽對酌 二首

次趙廣文韵

次韻答馬大理天祿

次屠家宰韻

宣府次屠元勳韻

西庄春興

輓鍾御史同年

和呂僉憲

和王憲副

和余方伯

走馬燈

贈朱都憲巡撫甘州

病中惜馬

寄嚴憲副同年

許總兵于黑哥

喜雨次馬負圖韻

倦遊

次同年閻文振太守寄余都憲士英韵

送良賈陳時周還長淮 挽莆田周先生

贈高平王御史父 二首 送焦大人

送劉大凡內翰兄弟鮮元卷

春日感懷 送侯都堂汴梁

貞節堂為王執中母題 送梁先生致仕歸閩

蜀中思親 送郎廷貴南還

東送邢廣文 送楊御史

挽竹僉都 述懷與詠燭用前韵

與紀舉人亦思前韻 見白髮有感

辛未重九次邢時順登高韵

遊太華 辭朝歸

送李太守 席上送戶部歐主事

賀孫喜壽八十 賀宋繡衣父八十

登大伾山次宋天章繡衣韻

送宋天章 寄朝端諸公

仍次前韻送駱上舍之京 飲陳國賓桂林書舍

駱太守初度即席賦三律以賀 三首

仍用前韻贈阮生歸浙二首

次王良弼亞參玉泉寺韵二首

贈孫志同職方

飲商家樓

炭

即席贈沃文困太守

寄沃太守

寄河南吳方伯

次汪載海韻

薛憲副小像

遊報恩寺

蘇母貞節卷

石城晚眺

哭喪子女詩

勉學

送周舉人

送韓先生

東園與五秀才同飲

挽大名王經歷母

挽楊母

送裴世珍先生之任

賀李士賢及第

送王給事出使陝西

送劉舉人廷儀還鄉

王良弼亞參坦菴

慕耕堂

懷友

登新譙樓

王都憲經綸治化 二首

種德堂為吳江李氏賦

賦靈椿壽李景昭七十

送楊朝用亞參

次楊亞參來韻

送朱慕賓任滿

久雨漫紀

席上口占送袁進士之內卿

送澄之清之大人

寄王鳳儀秀才

題諸暨陳同府政績卷

久雨謾紀

五言絕句

解珮亭

高僧塔

三賢祠

宋玉井

楚漢故城

莫愁村

龍

大暑去酷吏清風來故人范公詩語因不次為韻

賦五言丁絕奉新寧大總戎一嘆

七言絕句

平胡奏凱 四首

回山王母宮

馬憲副

王都閫扇面

吉祥寺

西渡

白秀才小扇景

躬耕田

團山

界山

浩然亭

虎

觀麥

遊城東

扇面小景

四皓園棊

青泥池

白雪樓

梅

古栢亭

老龍洞

梅

老龍洞

老龍洞

小虹橋

東國賓家園牡丹盛開邀余與路太守賞飲太守

謂賞花不可無詩因以春真人為韵余賦七言

絕句十首

平遠亭

楚望樓

降侍御小像

次韓貫道亞參韻四首

次吳儀賓韻

朱門

榜仙臺

豐樂河

池河關

春自長沙回談屈賈故跡

梅扇

周秀才扇

中秋無月

題禽果圖

題邢尚鏃粉壁

小畫二首

題槎軒小景

賞牡丹

金瓶牡丹

鸚鵡

題唐李靖墓

賞牡丹

袁安卧雪

贈琴士

送駱太守赴簾外

六角井

半月溪

楊亞參

蘭台

飲雷叟樓上次唐人韵

聞蟬 三首

葡萄

題舉人黃芸扇

圮上圖

甕湖

野雲菴

傳說

謝安圖

拍板

龜鶴池

東園開鶯

徽宗人馬圖

倒馬關

題鴈過江草

題十樣錦草

題魏莖圖 二首

席上次胡愈憲公

題滄浪濯足 二首

和徐士弘韻 三首

蜀中送趙伯頤還廣陽

關中母誕日賦

王舜耕畫

五夫峰

竹

題王御史扇

辛卯歲九月朔州賦

題小畫

九月七日夜兀坐誦潘邠老滿城風雨近重陽之

句因為韻七絕

春寒

題畫

秋日曉行

次徐士弘韻 二首

泰山捨身崖

應州塔

題扇 三首

東坡遊赤壁扇面

子陵扇面

李總兵扇面

鯉魚扇面

走百病

彪

縹

彈子

園中題

早遊

聞黃鸝

漫興

駱進士像

送許秀才

平王墓

陽春臺

譙樓

剛馬灘

歸興

寄郢人

落葉

梁甫巖

抱膝石

洛橋書張千戶槎軒

喪妻

挽伍憲副子二歲喪

奠食憲

右軍書扇

曹娥碑

贈星士朱怡雲

蘭

喜沐恩波圖

諸葛

四皓

煉丹井

屏風山

吉祥寺薛憲副枯出韵 三首

漫興

三月雪

宋祖蹴鞠

十六夜待月

小景 四首

淵明按轡

三老圖

觀泉圖

蜂蝶幽關

三顧堂

扇面釣魚

卷四

和三體玉言律

送陸明府之盱眙

南溪書齋

泊楊子岸

新秋寄樂天

秋日送客至潛水驛

待日觀東方

北園晚眺

送朱可之歸越中

新安江行

三月五日泛長沙湖

送人入蜀

七里灘

孤山寺

惠山寺

登蒲澗寺後二岩

送僧還南海

鄂北李生舍

塞上

寄永嘉崔道融

泊靈溪館

甘露寺

江行

春日野望

勝果寺

靜林寺

秋夜同梁鍾又宴

望秦州

池上

西陵夜居

旅遊傷春

春山

送懷州兵別駕

高宮谷贈鄭鄩

山居即事

題薦福寺衡岳禪師房

送史澤之長沙

送裴侍御歸上都

過蕭關

秋夜宿僧院

宿宣義池亭

送殷克蕃遊山南

題李疑幽居

金山寺

商山早行

秋日送方干遊上元

寄陸睦州

與崔員外秋直

送東川李使君

送楊六史過果州

赴京途中遇雪

早行

宿荆溪館呈丘義興

漂母墓

湖中閑夜

陸渾山庄

新年作

喜鮑禪師自龍山至

酬秦系

送朱放賊退後往山陰

尋南溪常道人隱居

題元錄事所居

寄靈上一人

除夜宿石頭驛

汝南別董校書

江上別張勸

送丘為落第歸江東

岳州逢司空曙

洛陽早春

送陸羽

贈喬尊師

客中

長安春

題破山寺後院

暮過山村

山中道士

贈山中日南僧

田家

秦原早望

雲陽館與韓升卿宿別

酌暢當

寄友人

送喻坦之歸睦州

送李給事歸徐州觀省

送深水唐明府

送王錄事赴虢州

別鄭蟻

送韓司直

途中送權曙

酬普選二上人

早春寄華下同志

途中別孫略

送鄭宥入蜀

杭州郡齋南亭

日東病僧

送友人下第歸觀

南游有感

送友及第歸浙東

春宮怨

辭崔尚書

下方

華下送文浦

遊東林寺

送僧還岳

送人歸蜀

經周處士故居

送人歸山

送友人歸宜春

秋月別王長史

汝濱別業

宣州使院別韋應物

送陸潛夫延陵尋友

夏夜西亭即事

庭春

新春

晚春荅嚴少尹諸公見過

送王正字山寺讀書

秋日過徐氏園林

灞東司馬郊園

下第寓居崇聖寺

寄山中高逸人

廬岳隱者

寄司空圖

送成州程使君

漢陽即事

酬劉員外見寄

別至弘上人

送王牧往吉州謁史

送章彝下第

空寂寺悼元上人

送曹倚

送金華王明府

和張侍御酬馬尚書

送董卿赴台州

過香積寺

送友人別蜀中

與諸子登峴山

寄邢逸人

吳明徹故壘

送普門上人

送樊丘曾謁潭州常人大

西郊蘭若

送耿處士

春喜友人至山舍

龍翔喜胡權訪宿

秋晚郊居

友人南遊不還

夜泊淮陰

秋夜宿淮口

村行

題甘露寺

秋夜獨坐

秋夜汎舟

春日卧病書懷

林館避暑

栢梯寺懷舊僧

早春

江行

春日

雲居長老

送許崇

穰陵關北逢人歸漁陽

早行寄朱放

陝州河亭陪常大夫眺望

巴南舟中

宿關西客舍寄嚴許二山人

夜宿龍吼灘思峨眉隱者

南亭送鄭侍御還東臺

南溪別業

泊舟盱眙

江南旅懷

冬日野望

早行

逢潘公

暮過山寺

懷永樂殷侍郎

常處士山居

瀑布真上人院

送龍州樊使君

送人尉黔中

道院

終南別業

晚泊潯陽望廬峰

茶人

尋陸羽不遇

軍中醉飲寄沈八劉叟

題江陵臨沙驛樓

送耿山人遊湖南

宿巴江

送陳法師赴上元

送從弟歸河朔

喜晴

茅山

山中流泉

冰井

僧舍小池

聞笛

感秋林

杏花

孤鴈

詠雨

和三體七言律

同題仙遊觀

和樂天早春見寄

和趙相公登鶴雀樓

凌歌臺

洛陽城

金陵懷古

咸陽城東樓

晚自東郭留一二遊侶

題飛泉觀宿龍池

咸陽懷古

黃陵廟

晚歇淅源縣

廢宅

龍泉寺絕頂

和賈至早朝大明宮二首

酬暢當嵩山尋麻衣道士見寄

別嚴士元

送王季二少府照潭峽

西塞山懷古

早春五門西望

錦瑟

江亭春霽

送人之嶺南

九日登仙臺呈劉明府

叢臺

寒食

隋宮

馬嵬

籌筆驛

用飲

茂陵

泊

晚次鄂州

次松滋渡

鄂州寓嚴澗宅

九日齊山登高

贈王尊師

贈王山人

湘中送友人

元達上種藥

黃鶴樓

自蘇臺至望亭驛人家盡空

與僧話舊

長洲懷古

場帝行宮

經故丁補闕郊居

贈蕭兵曹

酬張芬赦後見寄

答竇拾遺卧病見寄

寄樂天

秋居病中

送崔約下第揚州

旅館書懷

穎州客舍

春日長安即事

江際

中年

秋日東郊

過乘如禪師蕭居士嵩丘蘭若

送友人遊江南

送別友人

嶺南道中

臨起

送李錄事赴饒州

清明日與友人遊玉塘庄

宿淮浦寄司空曙

尋郭道士不遇

早秋寄天竺靈隱寺

題宣州開元寺水閣

長安秋夕

宿山寺

題永城驛

慈恩偶作

都城蕭員外寄海棠花

陳林墓

鸚鵡州眺望

繡嶺宮

春山道士寄孟侍御

早春歸盤屋寄耿滯李端

松滋渡望峽中

春日閑坐

晏安寺

館娃宮

方干隱古

酬李端病中見寄

贈道士

送劉谷

江上逢王將軍

和皮日休酬茅山廣文

滿津河亭

感懷

石門春暮

酬慈恩寺郁上人

江亭秋霽

漢南春望

春夕旅懷

長陵

咸陽

過九原飲馬泉

飲到西陵寄王行

洗竹

惜花

崔少府池鷺

鷓鴣

緋桃

牡丹二首

梅花

和三體七言絕句

宿石邑山中

贈張千牛

華清宮

官詞

吳姬

歸鴈

逢賈島

江南春

別李潘之京

題崔處士林亭

楓橋夜泊

贈皎亮

湘南即事

送齊山人

送元史君自楚移越

竹枝詞

香山館聽子規

長慶春

宮詞二首

城西訪友人別墅

貴池縣亭子

送隱者

送宋處士歸山

秋思

黃陵廟

贈彈箏人

常曲

曲江春望

鄴宮

關鄉卜居

允溪道中

丹陽送韋參軍

寒食

上陽宮

贈楊煉師

和孫明府懷舊山

贈日東蓋禪師

旅懷

寄別宋拾遺

題張道士山居

寄李勃

南庄春曉

長溪秋思

惰宮

綺岫宮

送三藏歸西域

長信秋詞

吳城覽古

江南意

閨情

曲江春草

山路見花

逢入京使

送客之上黨

病中遣妓

華清宮

宣州開元寺

山行

寄山僧

寄人

過南鄰花園

宮詞

漢江

寄維揚故人

送友人之上都

山中

酬曹侍即過象縣見寄

宿武關

題開聖寺

宿盧白堂

晴景

社日

自河西歸山

野塘

歲初喜皇甫侍御正

送魏十六

送王承

酬楊八副使赴湖南見寄

逢鄭三遊山

重贈商玲瓏兼寄樂天

採松花

哀孟寂

患眼

感春

西歸出斜谷

宿嘉陵驛

醉後題僧院

經汾陽舊宅

十日菊

老圃堂

偶興

悼亡妓

送元二使安西

三月晦日贈劉評事

武昌阻風

已亥歲

伏翼西洞送人

題明慧上人房

寄許鍊師

秋思

懷吳中馮秀才

念昔遊

寄友

經賈島墓

修史亭

吞常丹

九日懷山東尤弟

葉道士山房

宿昭應

江村即事

宮人斜

過春秋峽

初入諫司喜家室至

寄襄陽章孝標

舊宮人

小樓

宮詞

祇役遇風謝湘中春名

過勤山

送客

靈岩寺

柳枝

自遣

華陽巾

秋色

酬李穆

休日訪人不遇

湘江夜汎

贈侯山人

寫情

竹枝詞

聽舊宮人穆氏歌

訪隱者不遇

重過文上人院

題鶴林寺

宮詞

將赴吳興登樂遊原

鄭璠協律

贈魏三十七

湘妃廟

秋日過員太祝林園

長安作

奉誠園聞笛

冬夜寓懷寄于翰林

焚書坑

赤壁

秦淮

漢宮

賈生

集靈臺

遊嘉陵後溪

山店

常處士郊居

江南

旅夕

金陵晚眺

春

過鄭山人所居

寒食記上

與從弟同下第出關

拗體七言絕句

旅望

滁州西澗

酬張繼

河邊枯木

柳州二月

贈楊練師

題齊安城樓

側體七言絕

營州歌

山家

夏晝偶作

步虛詞

君山

紡嶺宮

詩餘

喜遷鶯賀劉廷珙太守榮遷大祭

滿庭芳送太守李公考績

沁園春送駱太守簾外回

木蘭花慢送潘邑許牧宰三載考績

春從天上来賀董侯治水功成

滿庭芳賀東人李器之

沁園春送趙掌教先生廣西主考

木蘭花慢贈許先生九載榮滿

浪淘沙八首

山市晴嵐

漁村落照

江天暮雪

烟寺曉鐘

平沙落鴈

遠浦歸帆

瀟湘夜雨

洞庭秋月

滿庭芳題三鷺圖

滿庭芳題四詩人騎驢圖

李太白

杜少陵

孟浩然

賈浪仙

風光好題看花

漁家傲題翠屏八景

如夢令二首賞雪

南鄉子和伍憲副韻

滿江紅贈王賢輔先生榮滿詞

醉江月送方先生榮滿帳詞

黃鸞兒 四首

贊

太守像

王希古像

駱太守秀才像

舉人像

進士像

待漏像

祭文

祭王都憲克深

祭姊王氏盧母

黎陽王襄敏公集目錄終

黎陽王襄敏公集卷之一

黎陽王襄敏公集卷之一

巡按四川監察御史天雄赫 瀛登甫 選

四川布政司右叅議堯山王鳳竹允在 校

四川按察司副使 郢上 周嘉謨明邠 校

四川提學副使新安曹 樓世登 輯

富順縣知縣匡南但貴元仁甫 編

疏

也禦疏

臣按綏德在秦時為上郡歷漢隋唐皆為邊鎮宋初  
後于西夏元平章孔興據守國朝洪武二年定陝西

黎陽王襄敏公集卷之一

三十一

孔興北遁設綏德衛屯兵數萬守之撥綏德衛千戶  
劉寵屯治榆林正統中命都督王禎鎮守迨綏始議  
築榆林城及沿邊十八寨移鎮於彼成化七年署榆  
林衛八年都御史余子俊開廣榆林城垣增置三十  
六營堡寧夏即古朔方地歷漢隋唐皆為郡縣宋趙  
元昊據之稱西夏與延慶熙和分界元置行省國初  
乘其地徙其民於陝西洪武九年立寧夏等五衛後  
命將鎮守嘗考之漢文帝時匈奴寇上郡雲中詔將  
軍周亞夫等屯兵近地以備之未嘗窮兵遠討也武  
帝時又大入破塞外城欲再舉兵而海內虛耗不可

復舉矣故武帝末年深悔之唐太宗時突厥合十餘  
萬騎入寇至衛水便橋之北豈以太宗之英武而素  
不能為之備哉勢有所不能也其後突厥頡利政亂  
諸夷叛之又民大饑牛馬多死始遣李靖乘其隙而  
襲破之以其降衆雜處中國終唐之世內亂多而邊  
患少非太宗一時之戰功能使其久遠而不犯也值  
虜運自衰耳以今日陝西邊備論之國初因秦漢之  
舊以綏德為邊衛東自葭州黃河西至寧夏定邊營  
七百餘里中間岡阜相連有險可據猶易為守自移  
鎮榆林綏德官軍移徙不當在綏德者不及什一自

是迺慶之民困於遠輸日益流徙田多荒蕪戶口減  
什之六七而邊備日益匱乏矣虜賊大舉或由榆林  
東雙山堡等處入寇綏德或由榆林西南定邊管花  
馬池等處入寇固原榆林之兵其在東也則以無險  
而不能守其在西南也則以踞遠而不能援其在綏  
德舊鎮也則以兵寡而不能禦則移鎮榆林者未見  
其為利也惟東自定邊管起西至寧夏東黃河岸橫  
城堡止三百餘里中間皆平漫沙漠無山谿之險故  
虜賊大舉多由此入故論者多欲此地增築城堡募  
兵以守而未易成也為今之計宜量撤兵卒之半復  
還綏德使守險拒敵防其深入庶可減省遠輸以甦  
民困其榆林及新設城堡各計其屯田歲入之數留  
兵屯守以立張懸之勢而移置其多餘之屯於定邊  
營要害之地委謀勇將官統之寧夏亦委將官調兵  
屯於花馬池又調集內地統健之兵屯於固原命原  
設總兵官常住其地提督操習各充其饋餉如虜將  
有入寇之機即令寧夏固原三路合兵防禦擊殺如  
此雖不能使其必不侵犯而自足以致其不敢深入  
且又於平時愛養內郡之民力以固根本可使制遊  
以撻胡虜之兵而內無土崩之勢至於守邊將帥失

利究其前由以行黜罰而無濫縱使官得久任而邊  
備無廢弛如斯而已矣若曰必使虜不內侵或欲連  
數百里之地盡築城堡則力有所不贍或欲置重臣  
總制三路之兵以抗其衝則智有所不及或欲發數  
十年之師直搗虜巢滅其種類則勢有所不能非今  
日之所可行也

栢油川捷音疏

臣先據寧夏總兵等官范瑾等呈成化八年十二月  
初九等日興武營地方有賊一千餘騎入境及有賊  
二人漢話說稱如今大勢逆賊要搶高橋兒鹽池肅  
州紅城又灰塵長一十五里往西南腹裏行走各墩  
空俱有大勢達賊等因為照所報賊情緊急重大慮  
恐深入陝西腹裏為患臣於本月十六日親督遊擊  
將軍緱謙等官軍啓行總兵官寧晉伯劉聚於十八  
日到榆林二十二日督同延綏總兵官許寧等軍馬  
俱兼程前往迤西截殺仍分留遊擊將軍王璽副總  
兵孫鉞叅將神英等迤東防禦成化九年正月初四  
日花馬池有賊一百餘騎入境臣等親統官軍乘夜  
追勦斬首二顆奪獲達馬五匹弓箭等項二十五件  
初八日臣等到興武營報稱境外獐羊泉有賊營火

於本日夜當率副總兵等官趙英黃瑄魯鑑等官軍  
出境撲殺賊已起營去訖彼處因無馬草不能屯兵  
仍回定邀營暫住隨准巡撫延綏右副都御史余子  
俊咨報十二月二十五日大勢達賊從神木等堡大  
柘油川等處入境搶掠及東自永興堡起西至雙山  
堡止境外一帶俱有健賊下營及據王壘神英等呈  
報自本月二十六日至正月十二日節次領軍於漫  
天嶺等處與賊對敵共斬首二十顆奪獲達馬四十  
匹皂旗一面弓箭等項八百二十九件牛羊等畜六  
千二百二頭隻孫鉞亦呈奪獲牛羊七百餘頭隻隨

被各主識認訖柘林雙山又選差夜不收人等出境  
劫營共獲到達馬三百三十匹行間臣同劉聚商議  
花馬池止是猛可一枝賊寇寧夏妄報數多且見有  
總兵等官范瑾劉成祝雄陳輝拜趙英馬儀官軍一  
萬之上足勾截殺其亂加思蘭等達賊既在東路若  
不兼程東回親自計畫勦殺必難成功即先差人調  
遊擊將軍周王等駐雙山堡都指揮王杲等駐高家  
堡孫鉞駐柘林塞王壘駐神木堡神英與都指揮周  
能駐孤山清水營等處分布按伏以待賊入會合勦  
殺臣等率領緹謙等輕騎晝夜星馳東回正月二十

日到榆林城二十二日據夜不收走報大勢達賊二萬餘騎從雙山高家堡地方入境見有賊與周玉官軍拒戰分遣賊徒往腹裏搶掠臣同劉聚當選精騎京營頭目拜大同宣府官軍都指揮周賢于盛等二千員名躬親督領仍行總兵官許寧扶病守城右少監張遼右副都御史余子俊分督延綏官軍二千員名俱往東南關家川等處截殺彼有戶部右侍郎陳俊總理軍餉員外郎黎遜主事李燭然叅政龐勝叅議嚴憲分按軍前供給兵部郎中劉洪員外郎張瑾隨軍紀功臣等一面調度周玉等着令步軍與賊拒

戰分掣精騎乘夜密往雙山東南一帶斷賊歸路瓜日辰時到地名半坡峯遇見前賊披戴明盔明甲張打旗號在彼下營分出輕騎四散搶掠見我官軍行走灰塵即舉號烟聚集賊衆驟馬前來迎敵臣同劉聚因見賊勢衆大親出陣前號令官軍齊心奮勇併力衝戰五十餘次各用弓箭銳砲射打賊人死傷數多賊見官軍勇猛暗遣餘賊從傍擊我後軍不期臣等溝內先有伏兵一齊突起衝散退走彼有緹諫亦統官軍相繼策應臣等又選精銳官軍白道山等摧鋒破敵突入賊陣用刀亂砍混戰至申時內有一賊

往來催督賊兵破重落馬斬取首級賊衆大敗追至漫天嶺等處正遇周王等按伏官軍邀截內外夾擊四散逃命奔走就陣生擒達賊四名斬首一百三十七顆奪獲連鞍戰馬一百八十匹騾子二頭弓箭腰刀等項一千五百九十四件牛馬等畜一千五百一十七頭隻追奔九十餘里賊皆逃遁出境以兵回於柳樹會雙山堡取便住劄當夜差人出境哨探聽得賊營內多有號哭又督據孫鉞王壘神英等聞報本月十八日達賊擁衆從大柘油川等處進入往南搶掠十九日早各率所部官軍拜都指揮東鉉等人馬前去截殺行至地名劉家塢遇賊三千餘騎率衆拒敵自己時交鋒大戰至申時分孫鉞王壘身先衝入賊陣射殺當前賊首賊遂奪氣官軍乘勢奮勇爭先殺敗賊衆就陣掣奪卓纛一箇白旗一面木喇叭一隻斬獲首級五十顆奪獲達馬五十四匹盔甲弓箭等項一千六百二十件其賊退遁追至地名漫塔賊復聚衆相拒天晚就彼與賊對壘下營至二十日寅時有神英周能亦領兵從鎮羗堡追襲達賊一起奔入前賊營內官軍併力夾擊賊俱敗走內有賊乘冰奔過河東從興縣地方往東北逃遁又追至地名井

油山等處其賊據險死敵三日三夜至二十二日賊  
復敗走追至地名水磨川等處與賊步戰各賊窘急  
跪下告饒及至擒拿又行射箭官軍一勇向前又斬  
首一十九顆奪獲達馬二十二匹駝二隻盔甲弓箭  
等項四百五十一件殘賊俱往偏頭關踏去訖收兵  
回還孤山堡駐劄奪獲河東河西被搶牛羊等畜約  
二萬餘頭隻俱令本處軍民識認去訖通計生擒達  
賊四名斬獲首級二百二十八顆奪劫達馬六百三  
十一匹駝二隻騾子二頭弓箭等項四千五百一十  
九件牛羊等畜二萬八千四百四十餘頭隻臣切緣  
此虜構引醜類久住河套先已乘空深入搶掠今者  
復肆狂逆大舉入寇臣與劉聚同心協謀親臨戰陣  
身先士卒以寡擊衆殺賊大敗擒斬數多奪獲馬匹  
器物不可勝算全勝回還邊境軍民歡呼動地是皆  
上賴

皇上天威下藉將士用命之所致也

處置邊務疏

臣准兵部咨為災異事該鎮守陝西太監劉祥會得  
署右都督白玉左都御史馬文昇題稱虜賊潛住河  
套犯我邊方將及四載軍民日益罷弊備開禦賊方

畧有二其一過此賊將近花馬池邊方我則通調各  
路軍馬俱集花馬池一帶若彼惧不敢入固為得策  
若擁衆而來其鋒甚銳勝負誠不可必此策之下也  
其二欲截歸路必須縱彼深入速調各路軍馬會於  
萌城鹽池一帶待彼得利而歸我則奮勇一擊縱無  
大捷亦無大失此策之中也其二越今賊馬瘦弱將  
客兵暫掣腹裏以隱其形彼則以為無備必然入寇  
一聞近邊聲息我將軍馬那往平涼固原靜寧一帶  
若賊到鞏昌地方路有千里之遠必然罷乏待其分  
掠相機邀擊蓋夏軍馬於萌城一帶榆林等處軍馬

於花馬池定邊營一帶截殺此策之上也萬一賊知  
有備不肯深入必須分守若只如今日分兵在邊亦  
非良策軍馬既已在邊必須供給糧草管糧官員嚴  
督催僨民惧法度日夜運送達賊在邊窺俟搶掠是  
彼以逸待勞而我饋糧於敵深非守邊之法莫若申  
明有宋備夏緣邊之制以省百姓轉輸之勞以榆林  
等一帶城堡為緣邊糧草不動就令本處軍馬守支  
賊來不可輕出賊入互相傳報以米脂綏德安定保  
安環慶平涼固原等處為次邊將客兵分布駐劄賊  
入腹裏次遣軍馬待其分散乘機截殺必能取勝却

將該運糧草於次邊上納緣邊既無運送之人達賊終無施其奸計深入被我截殺在邊又無取掠縱不過河陝西軍民尚可支持數年不至十分罷弊若必如今日而守軍馬不掣非惟人民逃亡抑恐致有疎虞誠非經久之計也乞 勅兵部計議轉行總兵官寧晉伯劉聚叅贊軍務右都御史王越再議採擇施行仍乞推選武職大臣一員為總兵官前來固原一帶調度軍馬等因且題奉 聖旨言多切事宜該衙門看了來說欽此欽遵抄出本部擬得所奏誠為禦寇安邊良策合無仍行劉聚王越會得各該鎮守巡撫等官斟酌處置仍將軍馬揀選精銳帶去跟隨之人堪以領軍者存留其餘徑自發回及奏要選武職大臣一員為總兵前去固原調度殺賊本部先已推舉都指揮趙順克叅將鎮守前項地方難再另行定奪具題節該奉 聖旨准擬欽此欽遵備咨行間又據延安府備綏德安塞等州縣申該里老任長孫等告稱為因時年薄收逃糧負累差役繁重以致人戶王敏等四千餘戶俱各逃竄轉運買運未息秋糧馬草復至夫馬殆無虛日無名雜差又不可計委的民力不能支持恐致逃聚山林貽患地方及洛川縣大

戶韓岩等將人口頭畜折准納糧本府看前情蓋由兵荒五年之上疲弊已久盜賊蜂起縱使今歲頗收不得以救目前之急設若薄收大衆缺食內為盜賊之擾再加公私事逼但恐禍之將來又非邊患可比誠非細故申乞憐憫以解倒懸又據陝西布政司呈備西安府申據咸長等縣里老馮紀等狀告自成化四年上達滿四坂後達賊連年潛住河套本等糧草盡數起撥邊倉又有僨運買運等項打造戰車鹿角置買馬匹各色軍器不可枚舉人民被累有將房屋田地典賣者有將妻妾子女典賣及抑勒為娼自縊自刎者困苦萬狀成化八年又令擺堡僨運榆林草束出備夫車牛驢正值暑熱時月人民多染瘟疫縣官催併緊急逼迫起程以致死亡不可勝計橫屍道踬人所共見兼且連年薄收自去秋至今雨雪少降麥苗枯槁難望收成目下缺食挑掘野菜剝削樹皮救命陸續逃走盜賊竊發無患瘟疫一家有死四五口者七八口者又舉家死亡卧床者若欲僨運糧草等項人情委的不堪又准總督軍餉戶部右侍郎陳俊咨開即今邊倉草束數少各處人民力窮財盡日就逃亡難再起僨運又據大同宣府副總兵著都

昔僉事孫鉞都指揮黃瑄遊擊將軍都督僉事蘇謙  
都指揮周王各備旗軍徐通等狀告蒙調延綏殺賊  
至今五年今賊遠遁行令腹裏任創各人離家隔年  
軍裝等項俱各損壞盤纏盡絕瘟疫傳染難以存活  
及甘涼副總兵都督同知馬儀趙英并署都督同知  
魯鑑亦備旗軍王興等告稱調來殺賊將及一年衣  
鞋軍器破損騎征馬匹倒死數多無錢買補又據京  
營達官旗軍舍餘火自赤等亦告先蒙調去兩廣征  
進八年又往遼東備禦六年成化八年三月內方取  
回京未經兩月又來延綏殺賊經今月久衣服等項  
日用不給難以度日又據原差東路瓜探賊情夜不  
收華八十等回報東自偏頭關出境至地名柳赤舖  
等處哨得東勝迤東雲川等處俱有賊營烟火約長  
一百餘里又據寧夏總兵官都督同知范瑾呈開差  
夜不收蘇七保等直抵套內麥梁山百眼井等處遠  
哨竝無營火人馬踪跡等情查得先因虜賊大舉入  
寇挫殺遠遁沿邊草束不敷軍民轉輸艱難已將原  
調京營達官軍并大同宣府莊浪等處官軍通行揀  
選退西存留精銳內孫鉞與遊擊將軍王壘及都指  
揮周能官軍俱退河東保德州等處綏謙周王黃瑄

各退腹裏保安等處馬儀趙英魯鑑亦退於固原平涼等處俱就草分住其各邊遇有小寇本處官軍徑自照常追殺寧夏興武營花馬池止留步軍守城馬隊官軍盡數分布石溝兒大河井小鹽池山萌城有居民去處防守已經備由具題去後今該前因欲便會同各該鎮守巡撫等官計議緣白玉馬文昇先已經自回還陝西右僉都御史徐廷章亦考滿赴京去訖無憑會議臣與劉聚公同延綏鎮守右少監張選總兵官署都督僉事許寧巡撫右副都御史余子俊議得迤西有警要將榆林軍平馬調去花馬池一帶截殺倘延綏亦有賊情決難捨此顧彼其言次邊固守之法若沿邊悞事人情雖可少恕王法必有責備臣等通前參看得白玉等所言禦寇三策詞雖可取而行皆窒礙其一如遇賊近邊通軍馬俱集花馬池殊不知各兵分布防守動經一二千里路途險阻卒欲調集雖烏逝雲飛亦不能到且花馬池又缺水草縱到豈能存住其二要縱賊深入速調軍馬會於萌城鹽池待彼得利而歸我則奮勇一擊然賊既深入得利縱使一擊取勝民已遭其荼毒或者又如上年結陣而回我軍路遠未合豈不坐失事機其三要

將客兵掣去腹裏以隱其形彼必入寇將軍馬那往  
平涼固原靜寧賊到鞏昌地方踞有千里之遠必然  
罷乏待其分散相機邀擊倘此虜譎詭不至鞏昌止  
於平涼迤北地方探掠官軍却於腹裏隱形高坐無  
乃縱賊為患至於分調榆林人馬并次邊防守之策  
其迤綏鎮守巡撫等官又皆以為不便臣等向與宣  
夏總兵等官面議各官亦欲益兵防守彼處皆與白  
玉等所見相同大率不過各顧一方自圖保全而已  
其言若今日所守軍馬不掣非經久之計要選武職  
大臣一員為總兵官前來固原一帶調度軍馬一節  
似為良便而兵部因有叅將趙順以為難再定奪其  
趙順兵力不多賊衆不能拒敵欲調集客兵乂也彼  
處緣陝西布政司及延安等府州縣各稱人民逃竄  
死亡相繼疲困已極恐聚山林貽患地方侍郎陳俊  
又稱力盡財窮難再起倩僨運乂戍官軍又各哀號  
困苦不能度日邊事人情至於如此臣等日夜憂思  
共圖經畧且河東營火約長一百餘里恐顯渡河之  
賊但此虜在套年乂往成巢穴難保一時盡去縱有  
遺寇其勢既分本處官軍加以隣兵協濟足能拒殺  
若必欲坐守套內全無一賊然後退兵則日費千金

何所取給久暴之師何時得以休息兵疲民困深為可慮為今之計必須趁此賊情稍寧斟酌時宜區畫一定之規以為經久之法庶可安民息兵延綏地勢險阻兵力頗精及有山西遊擊將軍都指揮王璽先已奉勅領軍在河東灰溝等營操守河西有警就便渡河截殺又延綏地方相離大同不遠合無令綏謙統領原官軍五千員名於朔州等處取便操守延綏有警即同王璽過河會合許寧等併力夾擊若欲分守則許寧往西路王璽往中路綏謙東路挨次而進俱不甚勞偏頭關亦有精兵數千止隔一河尤便策應賊情宣日各回休息大同有警綏謙亦便截殺寧夏有黃河之險賀蘭之固惟河東靈州至花馬池地方平漫相離腹裏城池寫遠中間無人居住合無令范瑾并叅將陳輝遊擊將軍祝雄照依臣等原擬除步隊守城其餘馬隊官軍盡數選領於山萌城大河井小鹽池有居民去處嚴加操守陝西固原等處係賊經行要路甘涼官軍遠來防守本處官軍却往甘涼備禦兩不得便合無將黃河迤東甘涼備禦蘭州洮州秦州河州岷州臨洮平涼鞏昌并西安三衛兩班官軍盡數通選精銳馬步共一萬員名查照原

數免與馬匹以近就近慎擇將官統領分布平涼固  
原海剝都等處預備原守環慶官軍照舊守禦臣等  
惟選得宣府遊擊將軍都指揮同知周王志氣英銳  
號令嚴明廉而不苛謀而有勇延綏叅將署都指揮  
僉事岳嵩熟知虜情善撫士卒經歷戰陣知識地里  
俱堪委任請命一員量陞署職充總兵官專一用  
心提督操練脩理城垣整飭戰具遇警則會合范瑾  
等表裏追擊務在隨機進止以圖成功其餘官員不  
許阻撓悞事賊若渡河往甘涼等處就便前去應援  
竹塹前項大同山西遊擊并存留甘涼備禦官軍俱  
近守家業人情順便又不遠勞供餉常川防守人亦  
樂於從事經久之計無出於此其餘調來客兵盡數  
放回用蘇連年困苦臣與劉聚叨受重寄觀此兵民  
窘迫不敢緘默今若畏罪不言直待事不可行勢不  
得已方纔陳奏機會已失雖罪臣等無益於國除  
將原留京營達官軍舍三百五員與武靖侯趙輔原  
奏帶頭目官軍人等一百二十三員名俱令都指揮  
于盛楊王等管領連正馱馬匹騎帶回京甘涼客兵  
行令馬儀趙英魯鑑以三分為率先放一分回本處  
置辦軍裝其餘領去蘭縣拖東大同宣府官軍行令

孫鉞黃瑄縵謙周王先放一半亦回本處置辦軍裝其餘陸續領過河東暫住外伏望 聖恩俯察邊情乞 勅該部早為計議定奪臣等兵回之日伏候 聖斷明降而行不勝為 國拳拳之至

平賀蘭山後報捷疏

臣會同鎮守太監張佃總兵官李俊巡撫都御史張禎叔等議得賀蘭山後虜寇久成巢穴若不親統官軍出境追勦邊患何時可息且賀蘭山路險峽當分兵三路與寧夏延綏兵相參并進南路朱謹領兵從赤木口出中路張佃李俊領兵從黃峽口出北路副

總兵張安監丞郝善領兵從宿窠口出臣居其中出境親督各路官軍散勢聯絡互相傳報往來調度又分差旗牌等官各督前鋒自本月二十八日於寧夏城發兵乘夜行至山下約十餘里各就下營張禎叔并僉事李端澄隨軍供給糧草二十九日晝伏於低窪去處至日落時入山其路單馬魚貫而進且高處如登天深處如探淵陡崖亂石寸步難行約五更時分始出山口地方寬漫兵分竒正疾驅長搥遍歷有水草虜可居止之處朱謹抵長流水亂井王谷堡泉臭水井歇涼亭等處張佃李俊直抵南杏園北杏園

南柳溝荻蘆窠雙樹兒等處俱各止有鍋腔鹿角等物并舊行人馬踪跡臣即令旗牌調兵徑往東北會應張安其張安鄰善分為二哨北哨至花菓園瞭見賊之牛羊官軍爭先馳進賊忽見我兵驚慌各顧馬匹一時不得齊聚先上馬者約有三百騎前來迎敵張安率兵夾擊轉戰至辰時官軍奮勇齊入賊陣斬首一十三顆奪獲戰馬一十五匹并弓箭什物餘賊逃走南哨將至蒲柳溝其賊望見塵起駝馬牛畜徧野不得收顧各賊止帶家小先從沙窩捷躡徑往西北內一賊率領六人捉馬不獲各賊背靠帳房一齊射箭被官軍圍遶用刀亂砍斬首七顆隨分撥官軍邀趕前項頭畜馬警四散奔馳追逐不及止邀收十分之一先行送回山口見得前賊帳房寬大整齊衣甲什物比衆不同必是賊首又帳後石壘低牆裁有山果樹株并野菜根苗顯是久住巢穴當令夜不收將帳房窩舖車輛盡行燒毀數內軍人胡益兒於窩舖內斬獲幼小首級一顆又各兵追至大把都不期前來衝突我兵見賊勢猛下馬齊用鎗銃拒打烟塵漲天賊稍退却馬上官軍奮不顧身乘其風順塵清

持刀衝入賊陣斬獲首級十顆奪獲戰馬十二匹弓箭什物賊遂潰亂奔走又追至白髮寺日色將晚張安兵方面有夜不收報稱迤西塵起料是賊來跟襲當管官軍指揮趙昂等三百餘人伏於道傍溝內餘兵徐往東行賊果循溝岸而來伏兵突起賊馬驚亂郝善領兵阻截其路官軍分投追斬首級八顆張佃李俊朱謹等援兵亦至又追至柳溝兒斬獲首級三顆共斬首級一十一顆奪獲戰馬十三匹叅將吳江追賊天晚回兵各賊臨陣哭放火西去臣差旗牌通調各路人馬於初二日曉初三日早俱回至宣夏城軍

馬休息查得斬獲達賊首級共四十二顆奪獲駝一十九隻達馬一百一十二匹毛牛四隻黃牛五十四隻羊八百六十隻旗號盔甲弓箭腰刀鞍仗皮襖等物共一千八百二件臣看得宣夏賀蘭山後地勢曠遠水草便利六七十年之間兵而不到七八十里之外虜得自由生養蕃息又安樂土是以知識我道踏擾害我邊隴任意往來畧無虛歲上勞聖慮持命追勦臣竭盡愚衷密籌可代之機深冒不測之險長驅虎旅直抵巢穴誅其黨類奪其頭畜收其兵器焚其廬帳氣喪膽落號呼奔避縱使復來豈能安寢且遠

搃賊巢比與近邊截殺不同事體關係重大自古為  
難今臣與守臣同心協謀將士効力成此微功邊人  
慶幸是皆仰仗天威恪遵廟筭之所致也

處置夷情復國土以繼封爵疏

臣伏覩 勅諭曰哈密城池累被土魯番殘破夷衆  
見在苦峪等處寄住經畧累年尚未克復寧安爾至  
彼與鎮巡等官從長計議處置務將城池克復夷衆  
安插得宜爾受茲重任宜輸誠效忠殫心竭力多方  
調度隨宜區畫以成久遠安攘之圖俾夷虜懾服地  
方寧靖以紓朕西顧之憂臣等竊惟鎮邊疆者當率

舊章服夷狄者當用世族哈密乃 聖祖開創之國

陝已實殘元的派之孫夫何隣夷不道攻奪殺虜城

池空虛致勞王師遠討今彼既悔罪哈密當復若哈

密不復則苦峪難守苦峪不守則肅州之外皆為敵

境此所以貽九重西顧之憂也臣等濫膺委寄敢不

殫心竭力以成久遠安攘之圖但興滅繼絕自古帝

王經治天下之大道事體甚重力行甚難臣等才識

凡庸經畧宏規悉照廷議舉措其間委曲事情量從

簡便伏望 聖明勅令兵部仍會多官計議或臣等

所言可行或別有良策具請 聖斷早賜諭音臣等

仰遵廟筭俯察夷情進止遲速隨機審處務得夷衆  
富強地方寧靖庶盡臣等犬馬報稱之愚茲者會議  
得處大事貴乘其勢懷夷狄在順其情哈密自始封  
忠順王脫脫已故無嗣王母守國被土魯番速壇阿  
力將王母拜金印虜去國土殘破後都督罕慎恢復  
舊疆甫及成立尋被速壇阿黑麻殺害國勢益微朝  
廷為念哈密乃 太宗皇帝所封之國不忍坐視絕  
系以陝巴係安定王的派與忠順王俱係成吉思支  
派差人於曲先地面撫取前來襲封王爵令其繼守  
哈密未幾又為阿黑麻所虜朝廷震怒遂投拘留之

使顯絕西來之貢西夷諸國歸怨本酋又因兵臨哈  
密天威遠振本酋畏禍方復送還陝巴獻還城池遣  
人納款雖今日綸音未達於酋耳往時殊錫未入於  
窮廬虜情誠偽有未可必但本酋今已奉書通款悔  
心頗切善念方新若使復視近日勅諭賞賜必愈感  
激納款有加此正勢有可乘機不可失之時既該各  
官審據哈密一種大頭目供稱陝巴根基正大情愿  
隨助守國別無異詞且察陝巴語言器識頗優夷類  
足以壓衆其同宗根基再無可立之人要將陝巴前  
去哈密住守不候土魯番貢使到來意在早建安攘

之策坐收繼絕之功必其計慮周詳處置停妥一成  
不壞保無後艱且各官俱領經畧重寄貴在紓憂敢  
不殫心竭力自貽其悔所擬陝巴既已准其仍封王  
爵其先降金印冠服等物及陝巴求請之數相應給  
與其先隨前去夷人必須選發精壯者一千餘名沿  
途防護及到彼守禦方保無虞各夷所種苦峪田禾  
亦聽其量分家口收割以資食用又須責諭奄克孛  
刺即便帶領回還哈密併守毋令留戀別土至於哈  
密城池房屋累遭兵燹毀盡動調軍夫與之修築  
險遠可慮今各夷欲自救正理必須量給以助其

糧牛具種子舊有定例亦須驗給令自變運事體亦  
便其奄克孛刺既與陝巴心志未孚終為後釁與之  
結親誠為通好釋嫌善計都督近迭力迷失等乃哈  
刺灰頭目原非哈密之人最為狡悍每藏禍心今陝  
巴初立羽翼未成若令本夷阿去及將家口給還各  
夷無所顧戀倘生叛意外通強虜哈密之害有不可  
言必量為處置以除厲階其回回等項頭目寫亦虎  
仙等及罕東亦斤所屬城堡番達頭目或協守哈密  
或為哈密蔽援與夫小列秃野也克力人罕秃等夷  
俱與哈密輔車相依不與賞列似為缺典况陝巴復

國之初正宜溥其恩禮以結諸夷以敦和好各官又  
已自行措辦不勞內帑與此大典奚惜小費凡此皆  
區畫安攘之術下以帖服夷情上以寧安宗社為計  
之得孰有外於是哉

禦寇方畧疏

臣准兵部咨該臣與寧晉伯劉聚題先該本部備鎮  
守陝西太監劉祥等開陳禦寇方畧奏行臣等計議  
欲將遊擊將軍緜謙統領官軍在翔州等處操守延  
綏有警即同山西遊擊將軍王壘過河會合總兵官  
許寧併力夾擊偏頭關亦有精兵數千止隔一河允  
便策應竄夏令總兵等官范瑾等將馬隊官軍盡數  
選領於有居民去處操守陝西固原等處係賊經行  
要路甘涼官軍遠來防守本處官軍却往甘涼備禦  
兩不得便將黃河迤東甘涼備禦蘭州等處并西安  
三衛兩班官軍通選精銳馬步共一萬員名充與馬  
匹慎擇將官統領分布平涼固原海刺都等處預備  
原守環慶官軍照舊守禦及推選得宣府遊擊將軍  
都指揮同知周王延綏叅將署都指揮僉事岳嵩俱  
堪委任請命一員充總兵官遇警會合范瑾等表  
裏追擊其餘調來客兵盡數放回用蘇兵民疲困寺

因具題兵部議擬甘涼孤懸河西亦不可缺人防守  
既將彼處原調腹裏洮岷等衛輪班官軍存留固原  
等處河西甘涼等衛調來客兵發回原處操守周王  
岳嵩雖謀勇可取俱新任未久况總兵太多不無難  
以行事仍令都督同知馬儀等各照數統領前項兩  
班軍馬就於固原等處住劄調度殺賊其原調來官  
軍聽從酌量存留有警會同都督白玉等并參將趙  
順出兵截殺延綏東西二路地方令張邀許宣余子  
俊調度寧夏花馬池一帶地方令范瑾徐廷章調度  
陝西固原等處地方令白玉馬文昇馬儀等調度劉

聚王越仍前節制往來提督又該兵部奏將宣府大  
同官軍各留遊兵五千員名令周王緝謙統領山西  
遊兵令袁剛統領聽調其餘副總兵黃瑄孫鉞所領  
官軍俱發回本處操守趙英係鎮守涼州魯鑑係鎮  
守莊浪將官責任亦重各回本鎮請 勅馬儀并涼  
州協副都指揮孫鑑統領前項蘭州等衛官軍在彼  
聽調殺賊等因具題俱節該奉 聖旨是欽此欽遵  
備咨到臣查得先為前事已經備由具題去後今准  
前因除照依兵部擬奏事理行令各官遵奉外臣會  
同總兵官寧晉伯劉聚又討議得虜酋李忽等自成

化五年以來陸續擁衆過入河套不時入寇至今五  
年之上朝廷節命監督太監傅恭顧恒總兵官  
撫寧侯朱永武靖侯趙輔寧晉伯劉聚等皆同臣調  
度各處官軍勦殺累於寺子川開荒川魚兒河柳樹  
會漫天嶺等處與賊大戰痛遭挫殺敗走擒斬數多  
其餘蘆溝兒小蒜澗等處節被追殺擒斬又不下數  
十餘次然而終不肯渡河而去者蓋由河北俱有讐  
敵沿邊易於搶掠套中便於住牧每待冰開馬瘦之  
時倚仗黃河阻隔得以無事年復一年遂成巢穴借  
使李忽等遁去別枝醜虜亦難保其不來又困兵民  
何時得以休息往年毛里孩等雖稱入套為寇衆虜  
歸一外無疑懼所以隨來隨去比之於今事殊勢異  
自然去留不同其原調大同宣府官軍經年征戍艱  
苦萬狀中間有遺下妻女在家因是無人顧瞻多致  
逃走及至今歲放班回衛各要置辦軍裝衣鞋陪補  
馬匹等項又多有鬻賣妻子典當田宅者甚至家貧  
無可柰何徃徃糾合逃避軍士疲弊已至如此豈有  
戰心各該遊擊等官備由開報情實可憐臣等雖申  
以禁令勉以忠義加以優恤人情不堪終亦踴訴不  
已陝西河南山西三省人民連年轉輸其間隣近者

或有送納本色其餘皆輕賚來邊收買上納竹卽陳  
俊多方措置奈民力已盡無所取給今延綏一帶直  
抵陝西山西地方春夏無雨麥豆枯乾穀皆未種縱  
有雨澤夏至已過不能種穀至秋派納糧草從何收  
買即日榆林等處每銀壹錢止買倉米六升新米四  
升米價騰貴軍民饑餓多有掘掘野菜採食樹皮樹  
葉日見流移甚為可憂臣等叨受重寄敢不盡心竭  
力用聞報稱紼各處人馬俱已放田所留甘涼一萬  
止可於固原等處分守臣等帶領大同宣府遊兵一  
萬隨宜往來調度沿邊草束不敷欲為存省境內又

無草場無以亢旱有草亦皆不長無處牧放馬匹若  
此虜月下入寇即當併力拒敵知延久不來侵犯數  
月之後草束盡絕軍馬難以存住臣等縱然勉強支  
持到於今冬倘賊果不渡河欲退則防守不足欲守  
則供餉不繼賊却入境進退兩難倉卒之際方纔具  
奏恐難措理越今臣等在此守禦早圖經久之策俾  
三邊俱有常規庶不臨時有悞軍機重事且以陝西  
計之平涼固原四衝八達實為襟喉之地達賊長從  
此處入寇滿四亦嘗於此作亂彼中添設將官以鎮  
之誠為良便今以馬儀從宜防守乃是一時之權以

後本官回還地方依舊空虛臣等所舉周王岳嵩委  
堪此任若以各官職任未久輒難陞用其都指揮僉  
事王璽累經戰陣頗歷歲年謀而有守勇而不苛近  
克寧夏副將本處軍馬除遊擊將軍祝雄統領之外  
范瑾所領不及二千王璽到彼不過徒擁虛器合無  
令王璽克受前任然欲成大事必假以總兵官名目  
陝西鎮守官員可以取回就令本官鎮守統制見留  
并陝西靖虜官軍務在專心操習軍馬整飭戰具一  
遇達賊侵犯就便會合范瑾等表裏夾擊以圖成功  
賊若在套不敢深入乘空脩理城池拒截要險且耕

且守以逸待勞又隣近俱有草場便於牧放採積可  
以省節民力見今荒歉或有聚衆山林不勞動調別  
處人馬即可擒捕如無成效罪在不宥即目暫令本  
官與馬儀等公同防守比及至冬兵將相識可以獨  
任陝西經久之策無出於此以延綏計之地方險陡  
軍民俱有崖窾可以藏避本處馬隊官軍約有一萬  
七千之上又有原選見在精壯土兵三千八百餘名  
皆有馬匹共該二萬一千員名今官軍馬匹除倒死  
并瘦弱等項見在堪騎戰者不及五千之上土兵全  
不操習止是雜項差使則二萬以上軍馬止約五千

其餘俱各閑住却調客兵一萬經年在外征戍不無  
事體倒置今若令缺馬官軍補買完足疲弱等項償  
喂膳息土兵俱入隊伍一體操練足約一萬六千之  
兵多於客兵之數况各人熟知地而坐守家業無事  
依時訓練有警徑自截殺若是兵力不敷其山西遊  
擊官軍三千比時專為延綏而設令在灰溝營等處  
住劄與清水營相離四十里偏頭關與延綏亦止隔  
一河本關除遊兵之外尚有堪戰軍馬四千於內選  
出二千聽候河西傳報散息警急舡隻方便一同渡  
河協助戰守大同遊兵亦選三千在大同右衛或朔

州操守相隔延綏止是回程一關偏頭關灰溝營傳  
報挨次而進足可應救賊情事緩即回本處操守用  
省邊備延綏經久之策無出於此以盜夏計之本處  
久因無賊犯邊官軍少經戰陣所以遇賊不能捍禦  
賊知兵力不支常於彼處肆意侵凌至於常州等處  
軍餘人等自去歲大賊出境之後亦各乘機假裝達  
子搶掠人畜邀截糧道近被祝雄拿獲見今問理本  
處奸宄之後尚不能擒豈能摧破強虜合無責令總  
兵官范瑾遊擊將軍祝雄等公同鎮守巡撫官員將  
馬隊官軍逐一揀選老弱不堪者令本家少壯餘丁

代替如無餘丁通於守城步操也田項下照數選補馬匹亦各看選不敷之數設法買補務要人馬精強器械鋒利日逐嚴加訓練蓄養銳氣不許徇私占役有妨調用過賊深入與固原靖虜慶陽等處人馬足可併力夾擊寧夏經久之策無出於此臣等相度地里審察時宜晝思夜度晝此經久之計此策若行各談守鎮官員率肯同心協謀躬行實踐不事虛文半年之間事必就緒賊雖久住我亦不劣較之調兵運糧甚爲優逸此係軍國重計伏望 皇上俯察臣等所言乞 勅談部早為叅詳計議奏 請定奪而行則邊方幸甚軍民幸甚臣等不勝激切之至

紅鹽池捷音疏

臣據虜中走回男子楊加兒等說稱虜酋滿都魯字忽兒加思蘭等已於本月十三日各領達子上馬往西搶掠備報當即分投不次差人通報總兵官寧晉伯劉聚拜寧夏延綏等處地方總兵巡撫等官上緊拘收人畜整兵隄備臣至波羅堡料度此虜若果往西踏入寇已有大同宣府遊擊將軍緝謙等官軍四千延綏西踏參將署都指揮僉事岳嵩一千又有寧夏總兵等官范瑾王璽祝雄陳輝所領官軍五千餘

員名分布石溝兒大河井小鹽池等處按伏彼處城  
堡窄狹又缺水草臣之官軍無處屯住且計算日期  
程途比及到彼人馬疲困必難取勝莫若待其入寇  
率領輕騎晝夜兼行掩其無備搗其巢穴斯為上策  
計料已足臣又慮西路將官不相統屬遇賊各分彼  
此當行巡撫延綏左副都御史余子俊兼程西向督  
催緝譙岳嵩等會合靈武官軍預備併力截殺務要  
成功及差官督調延綏東路參將署都督僉事神英  
同遊擊將軍都指揮僉事朱剛統領官軍從神木等  
處出覓以候策應臣與鎮守延綏左少監張選總兵

官署都督僉事許寧宣府遊擊將軍都指揮使周玉  
約會令許寧領把總都指揮等官劉龍鄭溫等官軍  
共二千餘員名周玉領把總都指揮王呆王祥等官  
軍一千六百餘員名大同把總都指揮馮昇等領官  
軍一千餘員名兵部郎中張謹隨軍紀功戶部郎中  
李焯然陝西按察司副使器取憲供給糧料於二十五  
日晚從榆林紅山兒出境晝夜兼行一百八十餘里  
至白灘灘比下營選差軍覺官軍夜不收白道山等  
一十二員名二路密切先行哨探臣等一更時分起  
營行至一十七日巳時又約遠一百五十餘里住劄

間據白道山等回稱哨得大賊老營俱在紅鹽池等處接連住牧相離五十餘里臣當將弱馬分布在後以張軍勢選出精騎令許寧為左哨周玉為右哨又分出官軍一千員名在低窪處所按伏專待前軍與達賊交鋒即從傍踉蹌過賊後突入營內前後攻殺布置彌令停當臣與張邀催督馳進約離賊營二十餘里賊已哨見官軍俱各收拾行李陸續集聚輕騎擺列拒敵臣親臨陣前指示官軍一齊奮勇効死衝戰其按伏官軍忽從賊後喊叫砍殺賊見腹背受敵就行慌懼潰亂徑往西北空處奔遁馬駝牛羊四散驚走弥山滿谷丟棄皮氊衣襖等物不知其數官軍馬乏不能盡數馭取其左哨生擒達賊四名斬獲首級五百九十三顆右哨生擒達賊三名斬獲首級五十五顆通計生擒斬首三百五十五名顆奪獲各色旗號三面牛毛氈三箇弓箭皮襖可可各色器物等項一萬七千餘件駝一百三十三隻馬一千三百二十一匹牛五千餘隻內備牛四隻羊一萬餘隻各賊遺下帳房等件縱火燒毀鉄鍋等件亦各打碎天晚收兵回還行二十餘里下營瞭見正北山頭賊舉蹄火不絕三更時分起營於二十九日回到榆林審得

生擒字羅反說稱今年九月十二日有滿都魯字忽  
札加思蘭三箇頭兒領着達子上馬往西去捨留下  
猛可丞相毛里孩男阿扯來王領人馬二千防護老  
營撒來少保領人馬一千踏看水草就哨東邊防備  
朶顏三衛達子二十七日有阿扯來領五十多人馬  
到我每營裏調軍出哨有那孩帖木兒平章家內殺  
羊管待起身一頓飯時被官軍殺入營內等詞臣當  
即差人迤西傳報我兵劫其老營彼賊聞之必奪其  
氣易於截殺本年十月初二日據神英袁剛各呈依  
蒙於九月二十六日夜出境二十七日到地名白海

子等處下營會差官軍夜不收張仁美等五十員名  
前去尋瓜會兵行至地名北岫瞭見達賊二十餘騎  
在河窩內水上飲馬有張仁美等一齊驟馬向前各  
賊望見騎馬奔走內有三賊捉馬不住步與相射被  
張仁美等殺獲得到達馬七匹拜弓箭等件備呈臣  
切緣此虜自入河套已及數年接續添集勢衆住成  
巢穴所以不肯退去臣謬承委任晝思夜度恨不盡  
除種類永清邊塞但媿才力不及何敢計其身家今  
乘其虛親率孤兵深入虜境殺其妻子焚其廬帳毀  
其器用驅其頭畜譬之一身剗其心腹彼雖狡悍豈

不痛苦縱然套內潛住必然疑懼不安此非臣等之功寔皆仰仗 天威恪遵廟算之所致也

紅城兒捷音疏

臣先於成化九年八月內分布大同宣府遊擊將軍  
緜謙都督僉事周賢等官軍四千餘員名在宣夏小  
鹽池等處住劄防守臣領宣府遊擊將軍周王等官  
軍往來延綏中東二路調度防禦至九月內節據虜  
中走回人口說稱賊衆上馬往西搶掠臣一面領兵  
於榆林出境撲殺此虜老營一面十次差人催促緜  
謙周賢并叅將岳嵩等上緊各統所部人馬會合宣

夏官軍候賊回還併力截殺及恐各分彼此行令左  
副都御史余子俊催督前去務圖成功并節差人馳  
報固原住劄總兵官宣晉伯劉聚拘收人畜整兵隄  
備臣又慮小鹽池等處離邊不遠賊回至彼必然結  
陣而行難以截殺當行那邊迤西利便處所庶易出  
兵臣境外回還就蕪程西向及備由具 題去後十  
月十五日行至安邊營據原差催調官軍夜不收馬  
玘齋到宣夏大同宣府延綏總兵等官范瑾緜謙周  
賢岳嵩等公文各開報先因虜賊擁衆入寇當即依  
蒙會合人馬俱到肅州城屯駐拒其歸路差撥夜不

收鄉道人等直抵固原接連哨探十月十一日天明時分據栢楊嶺等處哨探夜不收傳名一等飛報大衆達賊前後數運邀趕頭畜灰塵長四十餘里俱從地名豫王城口往常州地方前来得報當就整衆申嚴蹄令激以忠義士卒踴躍領戰議分副總兵王壘延綏參將岳嵩率領都指揮韓英指揮徐彰等官軍前哨都督周賢參將陳輝率領都指揮張琮指揮倪文等官軍左哨遊擊將軍緱謙祝雄率領都指揮朱鑑指揮郝昇等官軍右哨并令都指揮楊禮劉忠袁政統御兵車結陣繼後應接而進佈置已定適有協

守環慶陝西按察司僉事左鈺都指揮劉琮周啟率領官軍到來亦就合兵左鈺范瑾居中督率向前邀擊迎敵行至地名紅城兒約四十餘里賊寇見我軍至當就前後接連燒放蹄煙聚約萬餘徒俱各披戴明盔青甲一齊突來內二賊穿紅明盔甲張打紅白藍皂旗號率衆首先把陣衝突右哨其遊擊將軍緱謙祝雄奮勇督率敵退賊衆復攻左哨有副總兵王壘都督周賢親率官軍馳馬出陣迎敵將首先二賊就陣斬取首級及都督周賢奪獲賊首原打皂旗二面賊衆奪氣其衆將岳嵩陳輝等各奮不顧命身

先倡率領各哨官軍一齊向前掩殺，碎砍塵霧漲天，殺聲震地，賊衆散而復聚。自午至申，鏖戰十餘合，我兵勇氣益銳，賊勢披靡，不能支拒，遺棄所搶人口頭畜行李大敗奔遁。復率官軍且追且殺，約行八十餘里。天晚難以窮追，全勝收兵回營，提各該把總等官查報生擒達賊一名，斬獲首級九十二顆，其奪獲戰馬及被虜人口馬騾驢牛羊并遺棄軍器行李什物等件，遍滿川野。及責據通事刺八台譯審得生擒達賊供名，李羅係李忽太子部下，達子在河套時，衆頭兒商量往腹裏搶一遭，過河去。有李忽滿都魯兄弟二人共領一萬多人馬，亂加思蘭領一萬人馬於九月二十四日入境，行至清水河，下了營，發人馬四散搶了三日回來，又等了三日，將人馬聚齊。李忽等領有一萬人馬先行回還，行至常州地方，要奔紅城兒水頭，住歇，不想遇着人馬出，未廝殺，有衆達子因官軍勢猛，殺敗李忽，滿都魯，懼怕翻山脫走。衆達子都敗走了。李羅被捉前來等因，具呈。本月十六日，該遊擊將軍緄謙等開報。十三日有達賊邀趕牛羊，從柘楊嶺螺山背後往北奔走。當夜三更出兵，次日辰時到於三岔地方，遇賊約有一萬餘徒對敵。至酉時

有總兵官劉聚領兵前來策應賊見灰塵奔散遁去各哨斬首一十一顆及劉聚在腹裏固原等處調度官軍節次斬獲首級四十五顆通共總斬達賊一百四十九名顆奪獲被虜男婦一千九百三十四口達馬九百五十二匹民馬驢騾牛羊一十二萬九千八百有餘皮襖盔甲弓箭等項一千六百一十件臣切緣此虜在套數年擾我邊境臣以愚昧奉命征勦雖曾累次追殺終未見其畏懼所以安於久便不肯退去今臣已搃其巢穴劉聚遇其狂肆范瑾縱譙等又截其歸路內外奮擊誅斬數多然既不得利又遭痛苦縱彼狡詐未必不為寒心今冬套內其勢似難住止此皆上賴天威所指下藉將士効勞之所致也

威靈海子搗巢捷音疏

臣照得先該延綏靈夏鎮守總兵巡撫等官奏報達賊擁衆在於河套搶掠兵部議擬動調京營并大同宣府等處軍馬就乞簡命內外監督提督總兵等官前去勦殺等因具題節該奉聖旨着太監監督軍務兵部尚書王越提督軍務保國公朱永掛印充總兵官欽此欽遵臣等俱於二月初三日啓行朱永

統領京營官軍一萬員名從南路徑往榆林臣與太監本日至居庸關即先發旗牌官何全等前往大同若遇賊虜侵犯督併官軍勦殺本月十一日該鎮守大同總兵等官范瑾等報稱初五日達賊三千餘騎從海東山進入搶掠統率官軍斬首五顆本月十七日臣等從宣府柴溝堡起程存留旗牌官督同總兵官周玉等遇有近邊賊寇相機勦捕本月十九日到於大同續該周玉開報在池名紅崖兒撲殺達賊首級二顆俘獲幼男三口達馬八匹二十一日該牛心山等墩哨守官軍連日報有達賊攻圍墩臺臣等密切計算此賊自去歲冬西入河套侵擾寧夏延綏地方今春又累入大同宣府邊境搶掠且大同宣府數十年來無人敢出外邊追殺彼此安心放意騷擾邊方我若選其精銳收束甲掩其不備搃其巢穴破之無疑於本月二十二日選調京營大同宣府官軍二萬一千員名自孤店關出兵晝伏夜行不動烟火至二十七日到於貓兒庄大邊當夜將所統官軍分為數路前中哨大同副總兵都督僉事孫鉞前左哨叅將署都指揮僉事周壘前右哨宣府副總兵都指揮同知江山各領官軍三千員名前鋒並進奉御帶

敬與大同叅將都指揮使盧欽統領官軍二千員名為左哨奇兵奉御孫勝與宣府遊擊將軍都指揮僉事閔斌統領官軍二千員名為右哨奇兵與太監督率總兵官都督同知范瑾官軍五千員名居前中軍總制調度太監常正巡撫右副都御史孫洪帶領官軍五千員名為後中軍預備策應前後左右敵勢相聯布置已定傳令官軍不許爭搶首級混殺幼小男女本日晚出境行至天明前哨官軍到於威寧海子地方哨見達賊老營在彼住牧賊見官軍已近散漫上馬不知其數前來迎敵孫鈺等督令官軍奮勇射殺賊稍退却且走且戰追至北岸賊虜集聚約有萬餘倚山擺列拒戰衝突二十餘次臣等分遣官軍相機策應灰塵蔽天喊聲震地各哨官軍乘勢爭先砍射就陣掣奪虜酋旗纛賊方退走追奔四十餘里賊復聚衆對敵臣等併合官軍奮不顧身各用鎗刀弓箭一齊射打賊遂潰亂就陣斬首數多臣等縱其官軍入賊巢穴虜其男女奪其馬駝牛羊毀其廬帳器物賊上山頭舉燒號烟臣等收兵回還餘賊數千又來跟襲臣等結成營陣入邊下營賊至邊墻壕塹方止二十九日回至大同城查得生擒幼男婦女一百

七十一名口斬首四百三十七顆掣奪旗纛十二面  
戰馬一千八十五匹沿途乏馬用刀砍死不知其數  
駝三十一隻牛一百七十六隻羊五千一百餘隻盔  
甲弓箭皮襖鞍仗等項一萬餘件陣亡官軍三十八  
員名臣等切緣此虜悖逆天道毒害邊方去冬既犯  
寧夏延綏今春又犯大同宣府罪惡已盈王師斯舉  
臣等奉命徃征夙夜兢惕千思萬慮期伐其謀九  
死一生不辭其險發蹤而將帥協從鼓氣而士卒奮  
激乘夜藏神速之機取道倏長驅之便感恩圖報  
臨陣忘身適中運籌痛遭斬馘俘奪其子女頭畜收  
獲其盔甲器仗計程三百餘里而搗巢似非兵法興  
師二十餘日而克捷庶快人心啓後來敢為之端成  
已徃未為之事此皆仰仗天威恪遵廟算之所致  
也臣等勉効微勞不勝慶幸

辭解恩命疏

臣由進士先任監察御史按察使天順年間欽陞  
本院右副都御史巡撫大同彼因大同延綏等處邊  
方多事粗効犬馬之勞前後以軍功歷陞左副都御  
史右都御史左都御史太子少保兵部尚書又二次  
陞俸二級成化八年四月議事到京節談奉聖旨

王越着在都察院管事欽此本年六月內仍去延綏  
殺賊成化十年九月內回還成化十一年二月內節  
談奉 聖旨王越不妨院事着提督十二營操練軍  
馬欽此臣即具本辭免節談奉 聖旨卿諳練軍務  
特茲委任不准所辭欽此成化十三年七月內又具  
本乞辭團營兵任奉 聖旨卿又在軍旅練達戎務  
還照舊提督兼管院事所辭不允欽此成化十四年  
十月內又蒙 均慶之典陞太子太保兼職如故仍  
舊辦事欽此臣又具本辭免奉 聖旨卿受朕委用  
歷事年深特茲加陞所辭不允欽此成化十六年正  
月內延綏等處節報虜寇犯邊 欽命太監顧恒總  
兵官太子太保保國公朱永并臣統兵前去征勦到  
於大同臣隨太監顧恒本年二月二十八日出境殺  
賊幸獲微功三月十八日節談奉 勅王越出境勦  
殺虜賊有功陞威寧伯世襲太子太保仍舊欽此臣  
又乞辭免奉 聖旨卿抵巢殺賊奇功可嘉特茲陞  
爵用酬前勞所辭不允欽此次日又為崇重風憲事  
奉 聖旨王越着兼都察院左都御史仍掌院事團  
營照舊欽此臣惟都察院總天下之紀綱團營掌  
朝廷之兵務顧斯責任宜簡英賢如臣者才不足以

服臺臣謀不足以馭將事濫膺委用歷有歲年屢瀝  
愚誠不蒙 俞允邇者恩出望外授以厚爵而猶理  
文事懇乞辭免復未 降從勉強支持又經數月結  
草啣環雖 天恩之未報壓石藉刺寔臣心所未安  
况臣無益 國家有妨賢路干冒時議理所必然兼  
以年過五十精力已衰舊疾侵凌舉動艱苦駑馬力  
疲不堪鞭策伏望 聖恩廓天地之度回日月之光  
憫臣孤拙俾其帶俸隨例 朝叅別邊賢能以總紀  
綱以督軍務庶安常分用保餘年臣不勝懇切戰懼  
之至具本親齋謹具奏 聞次日奉

聖旨卿熟知戎務練達邦憲特茲兼任不准所辭談  
衙門知道欽此

序

東魯許先生文集序

予少家食時聞東魯許先生善古文屢欲裹糧相從  
弗果長而游宦京師始獲趨問先生不鄙賤予出示  
古文二十卷予讀之其尤乃知先生之文一本乎浩然  
之氣也蓋浩然之氣至大至剛塞乎天地之間人得  
之斯有形形斯有聲聲斯有言言極其精而文文極  
其精而古氣充之也其可自餒焉形聲雖具有言不文  
奚以古為且文所以古者非取其辭不同於今意不  
同於人特以其道有合於古人爾古人之道順理而

已氣充則辭達辭達則理順理順則道與古人不相背是以三代而下司馬遷充是氣而文古於漢韓退之柳宗元充是氣而文古於唐歐陽永叔蘇子瞻充是氣而文古於宋先生充是氣而文古於今文不同而同歸於古是皆天地浩然之氣貫古今而流通也故先生之文或有若重林邃谷者氣之深遠也若羊腸鳥道者氣之曲折也若冰壺秋月者氣之清明也若太羹玄酒者氣之冲淡也若波旋馬逸者氣之馳騁也若天地包涵六合不見端倪者氣之沉冥渾厚也若煙雲出沒萬狀莫測機緘者氣之摩蕩變化也

若鵬搏霄漢鷹揚原野龍蟠而虎踞者氣之高邁道勁雄壯也文隨氣指氣隨文肆義無盡句勢無盡體彼文學馬遷者見之以為似漢學韓柳者見之以為似唐學歐蘇者見之以為似宋不知果漢乎唐乎抑宋乎質之先生先生亦不知其為漢為唐為宋然則予知之矣先生其不漢而漢不唐而唐不宋而宋歟何也氣相似也馬遷歐蘇韓柳在當時皆不得大行其道身困志窮發為文辭俾諸後世先生十八舉進士第尋入翰林為庶吉士歷官檢討編脩脩撰老職館閣身在朝廷始終五十餘年望重位隆涵養有

素文章見於功業載在簡冊足以傳於永久又何其  
不相似邪此非氣不相似也命不相似也命不相似夫  
何損於文先生聞其言顧謂子女論文乃言氣言命  
理惡在予曰氣之浩然命之窮通悉有理以為之主  
先生曰女言不沈可書以序吾文遂書其言先生名  
彬字道中號養浩世家魯之寧陽學者稱為東魯先  
生故文集因其稱而名之

故贈左副都御史馬公挽詩序

嗚呼馬公沒矣哀挽之什某當序之也某與公之子  
負圖同進士榜同官御史且同庚義氣竅相優洽嘗  
過陽翟拜公於床下時公初被恩封繡衣白髮風  
度閒雅儼然一老仙也自是厥後負圖以才名遷閩  
憲使再遷大理鄉三遷至左副都御史撫鎮關中某  
亦濫叨邊寄飄飄瀚海中東浮西泊不相見者蓋十  
餘年故公之起居味味無所識聞得故舊書始知公  
沒尋贈官如負圖悲喜之餘徒懷耿耿耳今歲夏某  
自原州抱疾移駐長安獲見負圖持一卷再拜曰孤  
不幸先君沒已久此諸卿大夫所挽之章也謹類成  
卷俟知言君子序之幸吾子來敢丐執筆即不靳先  
君不沒美語訖淚潸然下已而又曰先君諱崇字士

華性慷慨不脂帝以媚世與人交吐露肺肝肯類間  
不設機穽好周施老無倦色養親在志愛弟真若手  
足尤嚴於義古孤之兄弟賴以成立是先君善行固  
吾子所稔知孤又喋喋者人子之心自有所不能已  
也語訖淚復下某視負圖不覺頰而發賴公沒某當  
執紼道左哭以送之可也當東一生芻糞鷄絮酒以  
酌墳土可也當長歌白日以招其歸來可也義皆缺  
典顧此挽詩序某雖不能文何敢辭乃力疾展卷用  
序哀挽之意夫古之挽人者有詩有歌皆所以寄哀  
也凡死足以感人之情則哀哀之不足則形諸詩歌  
今之人不識死者可哀與否輒掇拾腐爛語以應故  
事黃鳥之詩如是乎薤露之歌如是乎蒿里之歌如  
是乎古人之情至是蕩然矣今諸公之詩一本於情  
誠不愧古作者故讀其詩清雅者可哀豪放者可哀  
哀和平者可哀憂憤者可哀敦厚者可哀激烈者可  
亦可哀詩不同而哀同詩非能哀人良以老成凋謝  
鄉無善俗後生小子無所取法是情可哀也雖然公  
篤於孝友有德矣生封歿贈貴矣年踰古稀壽矣卒  
於正寢考終命矣况多賢子孫而負圖功業顯著公  
之名將光輝震耀於來世矣此又無可哀也蓋哀者

情也不哀者亦情也公可哀之情人皆知之不衰之情非某某孰能知之哉嗚呼此公哀挽之付某某當序之也

贈通政張君服闋赴京序

滑臺張君韞玉少有後才習舉子業長登名進士以才拜禮科給事中薦歷通政使司左通政位益高才益著故士林論中原人才必曰韞玉丁內外艱讀禮以養才者六年服闋將赴京滑之掌教蔣先生洎白陳二司訓率諸生徵余贈言余與韞玉誼在姻婭宿稔者才請以才贈韞玉問之曰吾之仕盡吾職而已

方今之才雲從星共吾俵乎不可及才非可敢願也余因質之曰不願今之才而願古乎古之人才莫盛於虞周自色如削瓜而狀如斷楸者以次僅五而十蒙俱其面者誰歟乃有才難之歎是皆聖王之才所願取法者其在此乎曰願而未能也降此世無全才漢唐宋其殆庶幾自漢中而麟閣而雲臺自天策而瀛洲而凌烟自乾元而祥符而皇佑而慶曆是皆賢良之才所願接武者其在此乎曰願而未遑也且才不師今古不亦左乎曰石也吾讀聖人書無已則擁篲聖人之庶隅揖升堂之光華聆入室之絃誦乃所

願者惟其茲大聖門之才載諸語孟願顏之仁乎魯  
之孝乎賜之達乎由之果乎求之藝乎抑游夏之文  
學乎曰不顏不魯不賜亦不由不求亦不游夏惡乎  
在曰當仁在顏當孝在魯當達在賜當果當藝在由  
在求吾與文學則在游夏然則博而約之有要乎曰  
大學務誠意中庸貴誠身誠為要噫此其所以為才  
也譬之器焉以才為車仁以華其轅果以壯其轂達  
以運其輪藝以飾其蓋孝以端其軾文學以為御誠  
以執其綏招搖而往駢駢彭彭出鄒魯之鄉假漢唐  
朱之道循虞周之轍息駕於都門從容於禮義之場  
隨其所用大以任重廣以致遠彌綸叅贊悉囿於此  
才之內天固有意於主才已雖然天能付人以才而  
不能使人齊其才非非才而非其才者什九非非才  
而不非其才者什一甚矣才之不易也安得天下之  
才皆若韞玉本諸一誠以共圖堯舜之治哉蔣先生  
曰今而後知夫才矣必如是斯不負天之生才

贈令尹杜君三載考績序

長垣學儒生張宗盛輩謁吾再拜曰我令尹杜君三  
年當報政師生沐德教之深願丐文焉以華其行噫  
是吾子開也斯文之雅言何以斯造不能採新安能

執筆且休矣又拜力疾而語之曰子聞海隅降神而  
才八斗而器萬頃彼而問學五經笥取甲第如拾地  
芥是吾所知長垣古蒲城子路所治又古匡城孔子  
所畏胥命取漆皆此地民物叢雜視昔為難治子開  
小試牛刀悉中肯綮吾所未知敢問其政可乎宗盛  
曰可崇教化乎在武城之寢重農事乎在豳風之什  
劄之不虎柔乎不錫權乎不蚊守乎飲蒲水耳鼠雀  
乎止屋墉夫踽蹶乎入鈎距矣築隄防乎子來矣濟  
荒以手發粟矣除吏弊乎不舞文矣平市價乎朝不  
飲羔矣抑豪強乎鷹化而為鳩矣恤四窮乎飽暖而  
康寧矣審如是始知駿明之心是行也當道有裴行  
儉聳壑昂霄之品鑒允茲攸歸繭絲云乎哉姑以子  
言贈幸寄聲無倦他日天階之前太微之後有朗位  
移居執法者必吾子開文之未晚也

題羅山方氏家譜

是方克誠先生之家譜也先生分教於濬振鐸之暇  
持譜過余拜而言曰吾家自華祖而下所知者僅四  
世華之上文獻吾莫知其所從來吾懼數世後子孫  
不復知有吾况華祖那故著此譜願公題數語以為  
方氏家乘之符券惟不靳斯幸言訖又拜余因檢閱

一再過見先生自序甚詳孝哉君子之用心也近世  
學譜家不擇人賢否隨其姓氏高板遠附以示華耀  
主者恬不知愧誣子孫拜他人於紙上其為不孝大  
矣先生雖稱方叔之後不欲系諸圖但譜其近之所  
知者不譜其遠之所不知者以信傳信歐蘇復生亦  
當曰可使先生不譜其所知則藉談不識伯夔使譜  
其所不知則顏標當拜魯公拜尚父之墓附城南之  
族尚何言哉然德莫先於孝孝乃儒者第一等事先  
生之孝大本如此方氏子孫必有垂光是譜者庶有  
以着先生之心載詳圖示以服制五世為例虛設高  
祖一世然既不識名字不設可也先生之子以華為  
高祖傳之百世以五遷祧允合禮度何必擁虛器哉  
先生亦有所據乎

贈胡太守九載考績序

江東胡希宋賢太守也蚤以名進士先典之請來救  
關州州大紛糾比太守遊刃全牛悉中宵縻三載民  
畏之六載民愛之九載民親之當代冠不可借民心  
如失父母鄉進士王時望程宗舜走馬余言用抒扶  
轅之意然太守雅重余余言奚靳敢請能得民之故  
庶可立言曰人有能而不能吾太守繩之逢之不能

也浮之沉之不能也滑稽突梯不能也芒韜慢楛不能也甫喜道愿沈猶氏之所為不能也若夫興學校以育英才重名節以厚風化能也治五種以省農功能也脩隄梁以安水藏能也謹大憲養百索以時禁發放能也脩採輯彌盜賊平室律通貨財能也吾太守能不能如斯而已噫余知之矣人之能太守之所不足能太守之能人之所不能能此所以得民心也太守行焉當道多巨眼鵬有海運之能非經史無以知扶搖九萬曹署虛席舊矣祝鳩亦可爽鳩亦可青鳥丹鳥亦無不可高岡一鳴天下洗耳搶榆枋能哉余故敢以能贈太守願毋負其所能

送滑臺徐掌教先生考滿序

滑之掌教秦和徐先生通儒也余嘗識之而貌溫然如春陽而目爛然如巖下電而言灑灑然如珠玉之可愛為學者師不傲亦不替余聞先生始事於學升堂危坐諸生鴈行避影而進張拱柴立從容請教先生曰學莫先於五經四書子史次之天知聖人之動靜然後知天下之言函貞于一知二帝三王之六經大法然後知治天下之大本知美刺之音斯可以言知人之大閑斯可以立知聖人之刑書然後可以斷

制天下之大事夢覺一闕絜矩兩字西山衍義全具  
粹如也性命之學本之以誠胡廣何物而敢妄議推  
明仁義以開先聖之道蘭陵非之多見其不知量也  
節用使民數語尚不能行又何必半部焉下迨諸子  
之言春秋戰國紛雜不一秦漢支離尤甚是以小鮮  
勝於秋水生化祖於卒用擬經僭於自況中流石舟  
不猶愈於覆蕉求鹿乎唐韓子之言雖正宰相書不  
上亦可柳子之言雖工河間傳不作亦可宋歐九蘇  
二大家樞軸猶或謬之言豈易乎執史筆於黃帝自  
頽而縮董狐良矣南史首筆如魏收之穢何馬遷不  
傳紀信陳壽敢議孔明佛頭固不敢着糞而帝魏又  
將何如事固多謬舍此何以知興亡成敗之由是吾  
所以為教也諸生唯唯而退余喜其博洽方將載酒  
問奇字不意滿期及瓜詎不可挽姑述所聞語以識  
別然先生自此升矣郡邑臺諫宜無不可他日人自  
北來言有儒者一日文聲隱隱動京師必先生也

許氏族譜序

許氏譜者許圖南作所以譜許氏也弘治戊申圖南  
以名進士來尹吾濟明年己酉即作是譜胥越者譜  
其迂圖南以為褐之父烏足以知仁義之本其以我

為迂如彼之愚何辛亥譜成而余序焉於戲譜學高  
矣粵古帝王興而姓氏因之宗法因之而譜牒因之  
故譜為一家信史豈苟作者圖南引楮秉筆崇立沉  
思為而不將長而不宰以分系演果於自信曰吾許  
氏以國得姓子孫延漫天下吾蓋青齊樂安之族乃  
直書大經以為始近而易知信其所可知者以上不  
知遠而難據不信其所不可知者斯亦漢臣諫風弊  
於正倫遠矣余嘗修葺舊譜大略相符且以五世為  
禘正歐蘇家法伊昔老泉及文忠公既自為譜又願  
與天下共之余也不毅何敢望文忠公而圖南可希  
也氣安得推而遠之使天下富者貴者譜其心於譜  
貧者賤者譜其譜於心譜不同而同歸於親親之義  
廓天理於人心穆皇風於  
聖化豈小補之哉由是觀之則鄉子能知少皞氏籍  
談不知孫伯鷹世之孝子慈孫以為何如

送許先生九載滿考序

人莫尊於君親而師與焉君治父生師乃教之所謂  
民生於三事之如一也東昌許宗儀先生由鄉進士  
為吾濬學者師遂於易道于今九載化深教洽登科  
甲者比比邑賢士大夫張玩占輩夙霄膏馥走告於

余先生當代益以言贈然余雅學先生之以師道自  
尊請以師說先生講易則曰聖人作易以天自處扶  
陽抑陰盡人事以回天道說易不本於人事紙上之  
空言說聽耳是以易道既立人事悉備乾為父坤為  
母屯建侯為之君蒙養正為之師鼎金鉉以為相師  
丈人以為將上天下澤以為禮雷出地奮以為樂復  
萌無首之吉始兆堅冰之戒否極而君子進泰盛而  
小人消不義富貴如浮雲故曰舍車而徒義弗棄也  
萬鍾於我何加焉故曰自求口實觀其自養也虎牢  
成而鄭人懼故曰設險以守國寇叛平而方鎮疆故

曰思患預防之唐堯於變咸之感於無心文王同樂  
允之說於無言是就人事而言卦爻之意若河圖洛  
書以及大衍窮理盡性以至於命可與安樂窩中人  
語九師太玄固當退避三舍先生此等講貫甚是明  
白真可謂人之師矣論舉業則曰是吾儒進身之階  
梯奈何士習偷薄作文者尚巧如刺花織錦措奇如  
雕虫刻篆好古則聲牙低曲喜浮則望風捕影矯激  
若狂瀾疎散若蔓艸持是以戰場屋安得不北記誦  
者朝焉喃喃會選拔粹暮焉矻矻青錢錦囊群萃之  
論髓止齋之論範誠齋之錦繡策自以為撐腸拄腹

可以淘井得金不知他人之唾尚可食邪書不可一字放過文不可一字苟且主之以虛然之心本之以當然之理貫之以浩然之氣措之以自然之詞可患乎不中準的帷帳之疑洪鍾之哂舶趨之黜命也又何足計先生此等議論亦甚切當真可謂人之師矣真可謂人師非好為人師者他日宰花縣必愷悌入烏府必諫諍皆從師道中來也人師先生師也先生師於人師之也師者師其道師之者師以道道之所在師之所在人不可一息離道天下不可一日無師余送人之師乎送道也

### 賀許隱君八十六壽序

青齊九州之一樂安當郡之輩即古廣饒負東海而據營丘其地有許隱君孔昭甫壽今年八十六矣聰明康健不減少壯時駕耄追耄絳縣甲子眇在後塵歲商橫

天子改元下優老之詔榮錫冠帶子三人季為圖南舉名進士授余濬令尹廉明劄果有古循吏風孫九人皆竒偉家庭之間慈愛孝敬藹如也冬十二月念五日屆初度之辰圖南僚友曰當賀司教廣文曰當賀邑人聞之耆老曰當賀士夫曰當賀兒童走卒皆

曰當賀相與詰余余曰是當賀且慶雲嘉禾為物之瑞尚可賀壽為人之瑞可無賀乎然賀以金帛有時而窮賀以車馬有時而敝願賀以言夫壽者福之本有其壽所以享其福德又壽之本有其德所以享其壽孔昭壽其壽而不壽其不壽之壽此所以為壽也况稟扶輿粹美之氣鍾天地靈長之德清明在躬百順咸集而隱君植緇常隆道德燕翼之計已成丕顯之基不換所謂壽不負人而人亦無負於壽者也今而後願名東海為壽海營丘為壽丘而樂安可以名壽鄉矢子拜壽於前孫拜壽於後客舉慶壽之觴歌眉壽之什南極遼邈孔昭其塵世之壽星乎圖南行見遷擢

恩封降只壽之休徵又當賀也雖然觀靈長之德鍾於人則知王化之美觀和厚之氣積於家則知世道之昌安得天下之人皆如孔昭之壽而同遊於壽域哉

卷之三 詩集 一

卷之三

三



